



積學齋徐為昌感書

春秋五禮例宗序



雲川張大



亨集



昔杜元凱作釋例以明春秋其
同之義事類相發各為條綱
覽者用力少而見功多可謂
矣然其間雜以傳例與經

而又摘數端不能該盡學者病
之唐陸淳乃因啖題之餘別為
纂例其所條列一出於經比於
杜公詳顯字密後之說者謂之
要例然淳拘於微文捨事從例
故事有相濟以成而反裂為數

門者非特差失其終始抑亦汨
昏其義趣聖經大旨支離失真
迷眩後生莫此為甚蓋人之義
惡小大萬殊聖人因其實而被
之以名豈顛拘於繩約若乃定
其筆削以示後世則固有典要

存焉善學者因其人之美惡以
推聖人之心而究觀其典要之
所在則其旨不辨而自白矣顧
余非知經者特懼子弟之溺于
斯乃綴緝本文通其乖舛以刊
前作之誤名曰春秋五禮例宗

蓋周禮盡在魯矣聖人以為法
凡欲求經之軌範非五禮何以
質其從違觀者或無間於古今
則當信予言之不妄也紹聖四
年二月十七日序



春秋五禮例宗目錄

第一卷

吉禮

王正

宗廟

視朔附

即位

立附

郊望

第二卷

凶禮上

王喪葬

內喪葬


外喪葬

第三卷

凶禮下

弑殺葬

災變



第四卷

軍禮一

伐按附附

侵

第五卷

軍禮二

圍次

戰收

克獲

取

入

滅亡

遷

潰

追

戍

乞師

平戍

軍賦雜事附

第六卷

軍禮三

執以歸逃附

放

奔

入

歸納

叛

盜宗門並附

第七卷

軍禮四

蒐狩

城毀附

興築毀附

第八卷

賓禮上

朝

聘

來

會

盟會附

第九卷

賓禮下

遇

第十卷

嘉禮

昏 歸服

享

肆青附

如至

春秋五禮例宗卷第一

王正

隱元年春王正月

桓元年春王正月二年十年十八年同

莊元年春王正月三年五年六年八年十年十一

年十六年十九年二十一年二十二年三十年

同 莊三十二年不書王正者二十書王不書正者七

閔元年春王正月二年同

僖元年春王正月二年三年四年六年八年十年

十五年十六年十八年二十四年二十五年二

十六年三十年三十二年同

吉禮

張氏



文元年春王正月三年五年八年十二年十三年

十四年同 文公十八年不書王正者八書王不書王正者三

宣元年春王正月三年四年九年十一年十六年

十七年同 宣公六年不書王正者十書王不書正者一

成公元年春王正月三年五年六年七年九年十

四年十六年十八年同 成公十八年不書王正者七書王不書正者二

襄元年春王正月二年八年十一年十四年十六

年十九年二十年二十一年二十二二十九

年三十年三十一年同 襄三十一年不書王正者十三書王不書正者六

昭公元年春王正月三年四年五年六年七年十

年十五年二十年二十三年二十六年三十年

三十一年三十二年同 昭公三十二年不書王正者十三書王不書正者五

定公二年春王正月三年六年七年八年九年十

五年同 定十五年不書王正者四書王不書王正者四元年無正月

哀公元年春王正月八年同 哀公十四年不書王正者八書王不書正者四

人君即位之一年謂之元年歲之初月謂之正月元者首也故善之長謂之元惡之大亦謂之元以一年為元則人君自此而首庶物善惡自此而始焉正者所以正物也以初月為正則四時於是取正焉先儒謂春秋以一為元又謂人君即位欲體元以居正而書稱太甲元年則謂一為元不獨春秋又曰元惡大慝則元不獨為善也凡正月每歲輒舉之則又不獨

即位也王正月者左氏謂周正月也三代之正不同
周以建子商以建丑夏以建寅春秋以周正為主故
又曰王二月王三月焉明非王之正也國君即位得
以改元而正月則不可改者蓋即位之年自其身書
之可以為首而正月則王所以同天下之尚非本之
一人也先儒謂周官所稱正歲與凡田狩郊祀之類
皆兼用夏正考之於經或合不合然春秋所書則純
用周正也王歲班其正於萬邦萬邦奉之無敢變亂
以明大統之所在以一諸夏之所承自唐虞以來未
之或改書所謂協時月正日是也周置太史以掌之
六卿於是班政治焉諸侯受而藏諸廟歲之首則朝

廟而行之謂之朝正及其衰也太火失班諸侯失朝
而天下始異尚矣然常是時周之法度自爵祿之籍
諸侯固已畏其害已而去之獨王正未有輒變亂者
則以不足為之損益故也聖人閔周室之不競思欲
抗王道而黜僭差幸正朔之猶存則舉而冠於諸侯
行事之上以明天命之未改而示天下之有尊且以
見王正及於諸侯然後可責以尊王之義其或不書
則周失班也夫正朔之存固未足以懲其侮然彼不
敢變亂則是猶有宗周之心而周復不知以此自勉
其不競宜哉隱公在位十一年一書王正月公穀曰
隱不自正也元年有正所以正隱也桓公在位十八

年四書王正月殺梁曰桓無王其書王者所以治桓
及正宋公之弑曹伯之卒也定公元年不書正月殺
梁曰定無正見無以正也夫正朔所以明時王之尚
耳非以定人之邪正也隱立之是非當自其身見之
何與正朔又桓以篡而不書則宣公之屢書宜不為
篡矣隱之十一年春滕薛來朝殺梁曰時朝正也信
斯言則彼年之春但當書時以明滕薛之正雖在正
月所不得書也夫既以不得書為例而又謂之無正
亦已誤矣

即位
隱元年春王正月

桓元年春王正月公即位

莊元年春王正月

閔元年春王正月

僖元年春王正月

文元年春王正月公即位

宣元年春王正月公即位

成元年春王正月公即位

襄元年春王正月公即位

昭元年春王正月公即位

定元年夏六月戊辰公即位

哀元年春王正月公即位

隱四年十二月衛人立晉

昭二十三年尹氏立王子朝

凡君沒既殯則嗣子於是即位王制曰天子七日而殯諸侯五日大夫士三日以頌命考之成王乙丑崩丁邠命作冊度越七日癸酉康王即位則崩既九日矣魯昭公之喪癸亥至自乾侯戊辰定公即位穀梁曰殯然後即位說者以喪至之日為始薨則薨既六日矣蓋喪禮死與往日生與來日三日而斂自天子達所謂聖人為之斷者是也若殯之日則各視其葬月焉故王崩三日而斂則作冊度後七日而殯則康

王即位昭公喪至則為既斂之來日後五日而殯則定公即位士喪禮曰死日而襲厥明而小斂又厥明大斂而殯自襲至大斂雖士亦三日士踰月而葬則殯與大斂固同日矣然大記謂士二七日而嗣子即位也即位之禮脩於初喪康王既受圭飲齊朝卿士邦君而誥之自稱曰予一人則禮既成矣諸侯亦然然經必踰年然後書者禮雖成猶未正其位康王由賓階躋見諸侯於應門之內也若既踰年則踐阼負辰矣其有故而初禮或廢則踰年雖正位而不書蓋禮不成也凡經不書即位皆以故廢也天王外諸侯之即位不書內外異也惟不以正立而魯及知者則

書之曰立

郊望

僖三十一年夏四月四卜郊不從乃免牲猶三望
宣三年春王正月郊牛之口傷改卜牛牛死乃不

郊猶三望

成七年春王正月繼鼠食郊牛角改卜牛繼鼠又
食其角乃免牛夏五月不郊猶三望

十年夏四月五卜郊不從乃不郊

十七年九月辛丑用郊

襄七年夏四月三卜郊不從乃免牲

十一年夏四月四卜郊不從乃不郊

定十五年正月繼鼠食郊牛牛死改卜牛夏五月

辛亥郊

哀元年春王正月繼鼠食郊牛穀梁牛下有角字改卜牛夏

四月辛巳郊

魯頌曰皇皇后帝皇祖后稷享以騂犧是享是宜夫
魯以享帝為宜則郊祀非過也蓋周之王業后稷肇
之文武成之周公康之是故周使魯祀后稷以明周
公功德之所本后稷配天者也於是乎郊焉孟獻子
所謂郊祀后稷以祈農事是也鄭氏云三王之郊一
用夏正其說見於易緯然以禮考之郊特牲則曰郊
用迎長日之至明堂位則曰孟春祀帝大司樂則曰

冬日至祀天於圓邱而公羊亦云正月用郊皆謂建
子之月也獻子曰啓蟄而郊郊而後耕左氏亦然皆
謂建寅之月也惟穀梁之說則自正月至於三月皆
以為郊之時考於經此三月者紀郊之變而不譏其
郊則信乎其時矣蓋自日至以及啓蟄陽浸長而農
事興則報天祈穀所宜有事者也公羊二禮舉其始
左氏指其終過與不及皆非禮也左氏又謂禮不卜
常祀而卜其牲日則以郊時有常禮所必舉固無可
否之疑特致嚴於牲與日耳牲有二曰帝牛曰稷牛
日有三曰上辛曰次辛曰季辛子服景伯謂吳人曰
魯以十月上辛有事於上帝先王季辛而畢自襄以

來未之改也然定哀之世皆以正月用郊則是魯郊
未嘗以十月景伯之言豈以是給吳人耶書曰類於
上帝望於山川又曰至於岱宗柴望秩於山川又曰
柴望大告武成則古之祀天未有不望其山川者亦
未有不郊而望者故曰望郊之細也諸侯所望不出
其境內故魯惟三望而已矣

宗廟

視朔附

隱五年九月考仲子之宮初獻六羽

桓二年夏四月取郟大鼎於宋戊申納於大廟魯

稷以成宋亂

八年正月己卯烝夏五月丁丑烝

十四年秋八月壬申御廩災乙亥嘗

莊二十三年秋丹桓宮楹

二十四年春王三月刻桓宮楹

閔二年夏五月乙酉吉禘於莊公

僖八年秋七月禘於大廟用致夫人

十五年九月己卯晦震夷伯之廟

文二年二月丁丑作僖公主

八月丁卯大事於大廟躋僖公

六年閏月不告月猶朝於廟

十三年秋七月大室屋壞公羊大作世

十六年夏五月公四不視朔

宣八年六月辛巳有事於大廟仲遂卒於垂壬午

猶繹萬入去籥

成三年二月甲子新宮災三日哭

六年二月辛巳立武宮

昭十五年二月癸酉有事於武宮籥入叔弓卒去

樂卒事

定元年立煬宮

八年冬從祀先公

哀三年五月辛卯桓宮僖宮災

穀梁謂周公稱大廟魯公稱大室群公稱宮公羊亦然而又以大室為世室曰世世不毀也以左氏參之

當為大室夫宮廟之別摠羣公言之則曰廟指一公言之則曰宮而大室則當宮廟之中所以藏主者也舉廟則可以包宮室指宮室則不可以兼廟故凡稱廟者皆不主乎一宮也凡稱宮稱室者不徧及也蓋禮稱七廟五廟則宮亦謂之廟詩稱闕宮則廟亦謂之宮書稱王入大室裸則周亦謂之大室然則二傳誤矣四時之祀曰禴祠烝嘗四時之間祀曰禘禘春秋有禘而無禘公穀以大事為禘周官則禘禘俱無鄭氏以獻裸追享為禘饋食朝享為禘蓋凡祀皆謂之事所以事其先也與禮所謂歲事同禘則於諸祭為大故曰大事然則禘亦曰事而禘不曰禘何也曰

事之得失在祭則正其名以書之其得失不在是也而因是以見之則畧稱事而已矣孔子曰禘自既灌而牲則禘疑以裸為主傳曰合食於太祖禘疑以食為主禘所以審昭穆故禮曰禘其祖之所自出則追享疑為禘禘以除喪朝廟而列新死者故經曰大事於大廟躋僖公則朝享疑為禘凡除喪必先禘者所以明反始之義也士虞禮中月而禫是月也吉祭猶未配而特牲饋食禮筮日命筮但曰適其皇祖而不言所配則禘為除喪之先祭明矣故始虞之祝亦曰哀薦禘事以祀事於是乎始而以合先祖為安故也自除喪而禘率三年而禘五年而再禘因以為常王

襄五年秋大雩

八年秋九月大雩

十六年秋大雩

十七年九月大雩

二十八年秋八月大雩

昭三年八月大雩

六年秋九月大雩

八年秋大雩

十六年九月大雩

二十四年秋八月大雩

二十五年七月上辛大雩季辛又雩

定元年九月大雩

十年秋大雩

九月大雩

十二年秋大雩

左氏曰龍見而雩雩者常祀也常祀必有常處所謂舞雩之下是也曰大雩者非常也先王以謂陰陽愆伏理所必至而百穀所仰在於膏澤故先事而祈事至而不應則無憚於再舉歸於厚民而已矣故大雩雖不時不以為過凡不可過者皆常祀之必以時舉者也或曰雩或曰旱或曰不雨穀梁謂雩得雨曰雩不得雨曰旱是也左氏公羊皆以書旱為災不雨者

不為災也考於經凡書災必有驗於後如水旱而無
穀與飢是也今日不雨而無所見災焉則二說然也
然自春及秋不雨則害於播種豈不為災蓋天雖不
雨而人事有以勝之則理或無害若乃人事不至則
雖無水旱而害亦及之莊公之告糴是矣或曰災必
有驗於後則何必變文以示義曰所謂驗者災成而
民罹其害之謂今日旱則災固害穀矣而民容有不
罹其害者若其不雨則雖穀亦無所害此所以不同
也

春秋五禮例宗卷第一

海虞女士者香王誦菴錄

建國

春秋五禮例宗卷第二

凶禮上

張氏

喪葬

天王

墨莊

禮記

隱三年三月庚戌天王崩

平王

秋武氏子來求購

桓十五年三月乙未天王崩

此後莊王僖王不書

莊三年五月葬桓王

七年

僖八年冬十有二月丁未天王崩

惠王

文八年秋八月戊申天王崩

此後頃王不書

十月公孫敖如京師不至而復丙戌奔莒

九年春毛伯來求金

二月叔孫得臣如京師辛丑葬襄王

七年

宣二年冬十月乙亥天王崩 三年正月葬匡王 三月

成五年冬十一月巳酉天王崩 定王

襄元年九月辛酉天王崩 二年九月葬簡王

二十八年十二月甲寅天王崩 靈王左傳二十九年葬

昭二十二年夏四月乙丑天王崩

六月叔鞅如京師葬景王 三月

左氏曰凡崩薨不赴則不書禍福不告亦不書懲不敬也大僕稱大喪始崩戒鼓傳達於四方窆亦如之則王之崩葬皆赴告於天下大行人稱大喪詔相諸侯之禮康王之誥稱大保率西方諸侯畢公率東方諸侯則王崩諸侯來奔小宰稱喪荒受其含襚奠玉

之事則王喪諸侯來贈左氏稱天子七月而葬同軌畢至則王葬諸侯來會此經常之制也春秋之時禮失其舊王崩不赴者三魯不會其葬者七則其他可知也或者疑成王甫崩諸侯已至謂因朝事而遇喪者是不然明王在上諸侯惟所以命之以令赦令之行兼日而可千里則大僕傳達疑亦甚疾侯甸男衛安有不可至者哉經書王葬五公穀曰天子志崩不志葬誤矣或曰天王或曰天子或曰王公穀謂之通稱是也何休曰天王三不書天以桓公弑君而天子錫命襄王賈人妾且會其葬皆為非禮故去天以示貶趙陸從焉范甯非之當矣然有未盡者蓋春秋書

王不稱天者甚衆曰王正王子王姬王師之類附獨
彼三者哉說者謂吳楚稱王故春秋加夫以別之是
又不然吳楚之王經未嘗志也又安用別且周官司
服凡喪為天王斬衰則王之加天尚矣王之為言至
尊之稱也加天焉明無上也以其配天則曰天王以
其繼天則曰天子三者皆至尊也以其皆至尊也故
雖但曰王而不嫌於有所黜且臣之爵得之於君故
可以善而升可以罪而黜若王則得之天者何自
而黜之聖人作經所以抗王室也王之失禮正其名
以見之耳未聞有黜其號以示貶者勿思而已矣
未成王

昭二十二年冬十月王子猛卒

王女

莊二年秋七月齊王姬卒

后夫人之喪皆赴后赴於天下夫人赴於隣好之國
其弔葬亦畧如王與諸侯之喪然春秋不書者內外
詳畧之義也故穆后之喪晉荀躒如周葬晉少姜之
喪魯昭公鄭伯皆往又卿共其葬事而不書於冊其
或書者以魯嘗與其事故為之終也

王夫人

隱三年四月辛卯尹氏卒

左氏曰君氏

文三年五月王子虎卒

定四年七月劉卷卒

七月葬劉文公

諸侯之夫人卒自命卿以上則赴於隣好之國王大
夫亦然然而不書者畧外也卒且不書况於葬乎其
或書者皆以故耳

公

隱十一年冬十一月壬戌公薨公子暉弑之

桓十八年夏四月丙子公薨於齊齊侯使彭生弑之

丁酉公之喪至自齊

十二月己丑葬我君桓公

莊三十二年八月癸亥公薨於路寢

閔元年六月辛酉葬我君莊公

閔二年秋八月辛丑公薨慶父弑之

僖三十三年十二月乙巳公薨于小寢

文元年二月天王使叔服來會葬

四月丁巳葬我君僖公

文十八年春王二月丁丑公薨於臺下

六月癸酉葬我君文公

宣十八年冬十月壬戌公薨於路寢

成元年二月辛酉葬我君宣公

成十八年八月己丑公薨於路寢

十二月丁未葬我君成公

襄三十一年夏六月辛巳公薨於楚宮

冬十月滕子來會葬

癸酉葬我君襄公

昭三十二年十二月己未公薨於乾侯
定元年夏六月癸亥公之喪至自乾侯

秋七月癸巳葬我君昭公

十五年五月壬申公薨於高寢

邾子來奔喪

九月滕子來會葬

丁巳葬我君定公雨不克葬戊午日下吳乃克
葬

穀梁曰公薨地不地故也夫人薨不地地故也公薨

必地而地不必常以其有邦國之事也夫人則無外事矣不薨於寢則謹其地以明其故然所謂故者非必不以其道終凡非常者皆是也外諸侯內大夫之卒皆不地畧之也其或不卒於寢則亦謹其地所以別嫌明微也曾子曰吾得正而斃焉斯已矣君子之慎其終蓋如此葬者臣子所以自盡敵以下所以相哀之道也故內曰我君外曰公

周制列爵惟五內則天子三公外則大國之君皆為公書有周公召公畢公三公也制微子之命曰庸建爾於上公大國之君也其餘皆自侯已下然考於經五等之君通可謂之公亦通可謂之侯公侯爵之貴

者故人以是稱之聖人弗奪焉所以崇敬讓也康
之誥稱群公與儀禮通稱之公春秋稱諸侯與餘經
通稱之侯皆兼五等之謂以二者均為爵之貴故雖
公謂之侯而不嫌於卑雖子男謂之公而不嫌於過
也然而班列有差小大有宜亦不可亂故經於平居
則正其爵葬則從其稱正其爵者所以明王度之不
廢也從其稱者所以示敵體之相敬也雖曰正其爵
矣而於盟會之總稱亦曰侯於世族之總稱亦曰公
子公孫則其所以示敬蓋不獨葬之時為然也魯君
侯也而稱公則以春秋之義也然方在會盟則亦或
謂之諸侯吳楚子也而不書葬則以稱號之僭也然
方書世族則亦皆謂之公子此之謂兩盡
穀梁曰謚所以成德也葬而後舉謚於卒事乎加之
矣范氏謂天子崩稱天命以謚之諸侯薨天子謚之
卿大夫卒受謚於其君蓋禮大喪大師帥替作謚小
喪太史賜謚卿大夫之喪小史賜謚替史知天道者
則謚所以名鬼神皆以天道正之也太史既曰小喪
而小史又云卿大夫之喪則小喪宜為諸侯矣鄭氏
謂小史亦以太史賜謚為節事相成失之

未成公

莊三十二年冬十月己未子般卒慶父弑之
文十八年冬十月子卒子赤也襄仲弑

襄三十一年秋九月癸巳子野卒

左氏曰凡在喪王曰小童公侯曰子公羊曰君存稱世子若薨稱子某既葬稱子踰年稱公由左氏之說則未葬在喪通稱曰子既葬遂稱爵不必俟踰年也由公羊之說則未葬在喪稱子某既葬猶稱子而不名必待踰年然後稱爵也考於經則左氏之說於書外可公羊之說於書內可二家不能談內外是以不通為公羊者曰先君雖葬然一年不可有二君故必踰年然後稱公若施於外則宣之十年不當有兩齊侯成之四年不當有兩鄭伯也為左氏者曰諸侯既葬則嗣子卒哭而免喪遂可以君國若施於內則子

亦不當不稱公也春秋之文魯史也其義則聖人之意也文同而義異聖人不疑焉恃其意存焉耳魯君薨年之餘曰不可繼稱別公而書之曰子與外諸侯之嗣君未葬而稱子其文不得不然義豈同哉然亦有由也蓋古者先君未葬嗣君居廬未有命戒不自君其國人故未可正其為君之名曰子者對父之詞也既葬則免喪出命而臨人雖未踰年已成其為君矣故因其爵而稱之陳侯會於溫會於召陵宋公會於葵邱皆書曰子先君未葬也齊惠公卒於宣十年夏既葬冬書齊侯使國仇來聘鄭襄公卒於成四年夏既葬冬書鄭伯伐許皆未踰年而既葬也或曰未

葬而踰年則如之何曰天時變於上人事草於下國不可曠年無君於是乎改元正位以承宗廟社稷之重其稱爵禮也魯僖宣昭之薨明年未葬而嗣君各改元書曰公即位衛宣穆宋文公之卒明年未葬而嗣君會伐鄭書曰宋公衛侯此其據也杜氏以宋衛稱爵為非禮誤矣詳杜所據以毛伯求金踰年不書王命三傳謂之未葬故也夫未葬踰年不稱王命則桓王七年而後葬其間何以書王命乎毛伯之事蓋自有義非此比也該二家之例則先君未葬稱子既葬或踰年稱爵然後為通若其書內則雖葬未踰年稱子而不名其曰子般子野者二子在喪而卒未成

為君猶以公子之例書之也若夫衛成公既葬而會諸侯於洮猶且稱子與衛成公出奔其弟叔武會諸侯於踐土亦稱曰子皆春秋之變例也以彼之例書此之事然後見聖人之意或曰既葬不俟踰年稱爵則然矣而鄭莊公卒於桓十一年之夏其秋葬其九月盡鄭忽奔衛上云突歸於鄭景王崩於昭二十二年之夏其六月葬其下書王猛居於皇其冬書王子猛卒又曹莊公卒於莊二十三年其明年春葬其冬書曹羈奔陳下云赤歸于曹莒子密州弒於襄三十一年其明年書莒展奔吳上云莒去疾入于莒鄭忽王猛皆既葬未踰年而不稱爵曹羈莒展已踰年而不稱爵何也曰此三者

雖已繼立其位未定也羈之奔以赤爭之忽之奔以突爭之展之奔以去疾爭之猛之出以子朝爭之赤後立是為僖公突後立是為厲公去疾後立是為丕公則羈忽展皆失位而不終者也子朝之立雖在猛卒之後然當猛之世固不能定朝也春秋之世固有始立而爭者然嘗能自定其位天子已命之諸侯已列之則遂正其為君衛君剽是也其或未能自定又未命於天子未列於諸侯則不正其為君羈忽與展是也猛立之義蓋亦如此曰王猛則以國氏與羈忽同也凡以國氏者皆嘗立者也猛之卒也謂之王子則以立而未定且不克終與忽稱世子同也凡稱子

者皆未成君者也然則國君已立強者未賓出力而爭之聖人不為之正其名而反因其未定遂奪其位無乃助篡乎曰是不然彼立者不能自定強者爭之而能終有其國子將奪爭者之名以加於彼是爭者之罪泯而被以無國稱君也三子當立而位未定彼爭者不當立而終有其國

子朝雖不終然國亦非猛者

各正其名

以書之其罪否則見乎詞焉然後天下後世可信也曰其見乎詞奈何曰突赤之入不繫之國

齊小白言去疾齊陽

先入即繫之國

則知羈忽之當立子朝之立歸於尹氏則知

王猛之當立然則聖人之意可見矣以當立而不能自定猶且如此 不當立者乎

莒展是也

夫人

隱元年秋七月天王使宰嚭來歸惠公仲子之賻

孝公姜患母

二年十二月乙卯夫人子氏薨

莊二十一年七月戊戌夫人姜氏薨

二十二年正月癸丑葬我小君文姜

僖元年秋七月戊辰夫人姜氏薨於火齊人以歸

莊夫人閔嫡母

十二月丁巳夫人氏之喪至自齊

二年夏五月辛巳葬我小君哀姜

文四年冬十一月壬寅夫人風氏薨莊公姜信公母

五年正月王使榮叔舍且期

三月辛亥葬我小君成風

王使召伯來會葬穀作

九年冬秦人來歸僖公成風之襚

十六年秋八月辛未夫人姜氏薨僖夫人文母

十七年夏四月癸亥葬我小君聲姜

宣八年六月戊子夫人羸氏薨文三妃宣公嫡母出姜來歸穀作熊氏

冬十月己丑葬我小君敬羸雨不克葬庚寅日

中而克葬穀作頃熊

襄二年夏五月庚寅夫人姜氏薨成夫人

七月己丑葬我小君齊姜

四年秋七月戊子夫人如氏薨成公妾襄母

八月辛亥葬我小君定姒

九年五月辛酉夫人姜氏薨宣夫舍成母

秋八月癸未葬我小君穆姜

昭十一年五月甲申夫人歸氏薨襄夫人昭母

九月己亥葬我小君齊歸

定十五年七月壬申如氏卒定公妾襄母穀作代氏

九月辛巳葬定姒穀作定氏

哀十二年夏五月甲辰孟子卒昭夫人

士死於適室復畢乃赴於君君使人弔祔之將葬遷於廟既祖而後贈贈者進焉卒窆乃反哭三虞卒哭

明日以其班祔士既葬則天子諸侯后夫人宜亦皆然矣蓋士死於適室則知天子諸侯終於路寢后夫人終於內寢也士赴於君則知天子及后赴於天下諸侯及夫人赴於王與隣好之國也士將葬遷於廟已葬反哭卒哭而祔則知天子以下其禮之序亦然也有一不備則不為成禮故左氏於夫人之喪互見其義蓋不獨夫人為然也然其不曰夫人不言薨不書葬者各主其事之是非耳凡喪禮具玉曰含反其精也衣衾曰襚遂其往也幣馬曰賵周於死也貨財曰賻助於生也含襚正施於歛賵賻正施於葬通言之皆曰贈知死者贈襚知生者贈賻

公女

莊四年三月紀伯姬卒

六月乙丑齊侯葬紀伯姬 夏紀侯夫去其國

二十九年十二月紀叔姬卒 惠女歸于鄆者

三十年八月癸亥葬紀叔姬

僖九年秋七月乙酉伯姬卒 未適

十六年夏四月丙申鄆季姬卒

文十二年二月庚子子叔姬卒

成八年冬十月癸卯杞叔姬卒 宣公女五年來歸

九年正月杞伯來逆叔姬之喪以歸

襄三十年五月甲午宋災宋伯姬卒 宣公女

七月叔弓如宋葬宋共姬

公羊謂外夫人不書卒葬適諸侯則尊同以吾為之
葬卒之也女子許嫁笄而字之死則以成人之喪治
之其書葬者皆有故也夫王姬下王后一等則公女
亦下夫人一等王姬嫁於諸侯為下嫁則公女嫁於
大夫亦為下嫁嫁諸侯則為尊於內女故內女書卒
視大夫為外夫人則書卒書葬視諸侯嫁而不書卒
葬者不赴不會也公羊誤矣

內大夫

隱元年冬十二月公子益師卒

五年冬十二月辛巳公子彊卒

八年冬十二月無駭卒

九年三月挾卒

莊三十二年秋七月癸巳公子牙卒

僖十六年三月壬申公子季友卒

秋七月甲子公孫茲卒

文十年三月辛卯臧孫辰卒

八年公孫敖奔莒十四年九月中申公孫敖卒

於齊

十五年夏齊人歸公孫敖之喪

宣五年秋九月叔孫得臣卒

八年六月公子遂如齊至黃乃復辛巳有事於

大廟仲遂卒於垂壬午猶經萬入去籥

十七年冬十一月壬午公弟叔肝卒

成四年夏四月甲寅臧孫許卒

十五年三月乙巳仲嬰齊卒

十七年冬十一月壬申公孫嬰齊卒於狸服魯地

襄五年十二月辛未季孫行父卒

十九年八月丙辰仲孫蔑卒

二十二年秋七月辛酉叔老卒

二十三年八月己卯仲孫速卒

三十一年九月己亥仲孫羯卒

昭四年冬十二月乙卯叔孫豹卒

七年冬十一月癸未季孫宿卒

十五年二月癸酉有事於武宮籥入叔弓卒去

樂卒事

二十一年八月乙亥叔鞅卒

二十三年正月癸丑叔鞅卒

二十四年春二月丙戌仲孫矍卒

二十五年冬十月戊辰叔孫婁卒

二十九年夏四月庚子叔詣卒

定五年六月丙申季孫意如卒

秋七月壬子叔孫不敢卒

哀三年秋七月丙子季孫斯卒

君之卿佐國之貳也存亡所繫國寶與焉故經悉書之周制卿大夫之喪天子弔之其斂哭之事則皆掌於王官以天子遇其臣之禮如此則諸侯可知也士喪禮君若有賜則視大斂以君過士之禮如此則卿大夫可知也然君於士不親弔不視小斂則士下於大夫故也左氏謂君不與小斂故不書曰杜氏曰所以示厚薄戒將來也據經叔孫婁叔詣之卒昭公在外公孫敖仲遂公孫嬰齊之卒喪在外然皆書曰杜氏謂公在外則非無恩喪在外則不責人以所不得也夫以書曰為厚以不書為無恩則是日月有褒貶之義矣而杜氏又謂春秋不以日月為例此獨記日

未足以褒貶人君自相戾何哉若不以日月為例且無褒貶則卿卒不日是時記不小斂耳既特記不小斂則凡在外者又何必書日以明非君無恩邪子赤公子之為嗣君者也其卒亦不書日則史之失載如此多矣何獨於卿而遂以為例乎臧僖伯之卒也隱公葬之加一等則卿葬亦國之事而不書者其得失非足以繫國且葬臣子所以自盡敵以下所以相哀之道也故不以累君

諸侯

隱三年八月庚辰宋公和卒 十二月癸未葬宋穆公
七年三月滕侯卒

八年夏六月己亥蔡侯考父卒 八月葬蔡宣公

六月辛亥宿男卒

桓五年正月甲戌己丑陳侯鮑卒 再赴 夏葬陳桓公 脫月

十年正月庚申曹伯終生卒 夏五月葬曹桓公

十一年夏五月癸未鄭伯寤生卒 秋七月葬鄭莊公

十二年八月壬辰陳侯躍卒

十一月丙戌衛侯晉卒

十三年三月葬衛宣公

十四年冬十二月丁巳齊侯祿父卒

十五年夏四月己巳葬齊僖公

十七年六月丁丑蔡侯封人卒

八月癸巳葬蔡桓侯 杜云稱侯誤

莊元年冬十月乙亥陳侯林卒

二年二月葬陳莊公

二年十二月乙酉宋公馮卒

三年夏四月葬宋莊公

十六年十二月邾子克卒

二十一年夏五月辛酉鄭伯突卒

冬十二月葬鄭厲公

二十三年冬十一月曹伯射姑卒

二十四年三月葬曹莊公

二十五年夏五月癸丑衛侯朔卒 惠公

二十八年夏四月丁未邾子瑣卒

三十一年四月薛伯卒

僖四年夏許男新臣卒 卒于會汶蔡之師

八月葬許穆公

七年秋七月曹伯般卒 左般作班

久葬曹昭公 脫月

九年三月丁丑宋公御說卒

九月甲子晉侯嬴諸卒 獻公

十二年冬十二月丁丑陳侯杵臼卒

十三年夏四月葬陳宣公

十四年冬葬蔡侯貜卒

十七年冬十二月乙亥齊侯小白卒

十八年秋八月丁亥葬齊桓公

二十三年夏五月庚寅宋公茲父卒 襄公

冬十月杞子卒 莊二十七年稱伯

二十四年冬晉侯夷吾卒

二十五年四月癸酉衛侯燬卒

秋葬衛文公

二十七年夏六月庚寅齊侯昭卒

秋八月乙未葬齊孝公

二十八年六月陳侯款卒

三十二年夏四月己丑鄭伯捷卒

冬十二月己卯晉侯重耳卒

三十三年四月癸巳葬晉文公

文五年冬十月甲申許男業卒

六年春葬許僖公 脫月

六年八月乙亥晉侯驩卒

冬十月公子遂如晉葬晉襄公

七年夏四月宋公王臣卒

九年秋八月曹伯襄卒

冬葬曹共公 脫月

十三年夏五月壬午陳侯朔卒

邾子遄蒞卒

十四年夏五月乙亥齊侯潘卒

十八年二月秦伯瑩卒

宣三年冬十月丙戌鄭伯蘭卒

葬鄭穆公 脫月

四年春正月秦伯稻卒

九年八月滕子卒

九月辛酉晉侯黑臀卒于危
平地與宋公衛侯鄭伯曹伯會

冬十月癸酉衛侯鄭卒

十年夏四月己巳齊侯元卒公如齊五月公至

自齊

六月公孫歸父如齊葬齊惠公

十四年夏五月壬申曹伯壽卒 九月葬曹文公

十七年春正月庚子許男錫我卒 夏葬許昭公脫月

正月丁未蔡侯申卒 夏葬蔡文公脫月

十八年秋七月甲戌楚子旅卒莊王

成二年八月壬午宋公鮑卒

三年二月乙亥葬宋文公

二年八月庚寅衛侯速卒

三年正月辛亥葬衛穆公

四年三月壬申鄭伯堅卒 夏四月葬鄭哀公

六年六月壬申鄭伯費卒

九年秋七月丙子齊侯無野卒 冬十月葬齊頃公

十年五月丙午晉侯孺卒

十三年五月會伐秦曹伯廬卒于師 冬葬曹宣公脫月

十四年正月莒子朱卒

冬十月庚寅衛侯臧卒

十五年二月葬衛定公

秦伯卒 同衛侯卒之月

十五年夏六月宋公固卒

秋八月庚辰葬宋共公

十六年夏四月辛未滕子卒

十七年十二月邾子貜且卒

襄二年六月庚申鄭伯踰卒

四年春三月己酉陳侯午卒 七月葬陳成公

六年三月壬午杞伯姑容卒 秋葬杞桓公 脫月

七年十二月會于鄆鄭伯髡頑如會未見諸侯丙戌卒于鄆

八年夏葬鄭僖公 脫月

十二年秋九月吳子乘卒

十三年九月庚辰楚子審卒

十五年冬十一月癸亥晉侯周卒

十六年正月葬晉悼公

十七年春二月庚午邾子貜卒

十八年冬十月會圍齊曹伯負芻卒于師

十九年春正月葬曹成公

十九年秋七月辛卯齊侯環卒 冬葬齊靈公 脫月

二十三年己巳杞伯匄卒 夏葬杞孝公 脫月

二十五年十二月吳子遏代楚門于巢卒

二十六年八月壬午許男寧卒于楚 請楚伐鄭 冬葬許靈公 脫月

二十八年十二月乙未楚子昭卒

二十九年五月庚午衛侯衎卒 秋九月葬衛獻公

昭元年六月不克邾子貜卒 秋葬邾悼公 脫月

冬十一月己酉楚子麇卒

三年春正月丁未滕子原卒 夏叔弓如滕五月葬滕

成公

五年七月秦伯卒

六年正月葬秦景公

六年春正月杞伯益姑卒 夏葬杞文公 脫月

七年秋八月戊辰衛侯惡卒 十二月癸亥葬衛襄公

八年夏四月辛丑陳侯溺卒 十月國為楚所滅 十月葬陳哀公

十年七月戊子晉侯彪卒 九月叔孫婍如晉葬晉平公

十二月甲子宋公成卒

十一年二月叔公如宋葬宋平公

十二年三月壬申鄭伯嘉卒 五月葬鄭簡公

十四年三月曹伯滕卒 秋葬曹武公 脫月

八月莒子去疾卒

十五年春正月吳子夷末卒

十六年秋八月己亥晉侯夷卒

九月季孫意如如晉冬十月葬晉昭公

十八年春三月曹伯湏卒 秋葬曹平公 脫月

二十年十一月辛卯蔡侯廬卒

二十一年三月葬蔡平公

二十三年夏六月蔡侯東國卒於楚

二十四年八月丁酉杞伯郁釐卒 冬葬杞平公脫月

二十五年十一月己亥宋公佐卒於曲棘宋地

二十六年正月葬宋元公

二十六年九月庚申楚子居卒

二十七年冬十月曹伯午卒

二十八年三月葬曹悼公

二十八年夏四月丙戌鄭伯寧卒 六月葬鄭定公

秋七月癸巳滕子寧卒 冬葬滕悼公脫月

三十年夏六月庚辰晉侯去疾卒 八月葬晉頃公

三十一年夏四月丁巳薛伯穀卒 秋葬薛獻公脫月

定三年二月辛卯邾子寧卒 秋葬邾莊公

四年春二月癸巳陳侯吳卒 六月葬陳惠公

同年三月會于召陵五月杞伯成卒于會

七月葬杞悼公

八年三月曹伯露卒 七月葬曹靖公

秋七月戊辰陳侯柳卒 九月葬陳懷公

九年夏四月戊申鄭伯蠆卒 六月葬鄭獻公

秋秦伯卒 冬葬秦哀公脫月

十二年春薛伯定卒 夏葬薛襄公脫月

十四年五月癸子光卒

哀二年夏四月丙子衛侯元卒 十月葬衛靈公

三年冬十月癸卯秦伯卒

四年二月葬秦惠公

四年秋八月甲寅滕子結卒

十二月葬滕頃公

五年秋九月癸酉齊侯杵臼卒

冬叔還如齊閏月葬齊景公

六年秋七月庚寅楚子軫卒

八年冬十二月癸亥杞伯過卒

九年二月葬杞僖公

十年三月戊戌齊侯陽生卒

五月葬齊悼公

五月薛伯夷卒

秋葬薛惠公

十一年秋七月辛酉滕子虞母卒

十一月葬滕隱公

十三年夏許男成卒

秋葬許元公

曲禮言天子曰崩諸侯曰薨大夫曰卒士曰死故說者謂春秋貶外以尊內外諸侯卒與內大夫同文然

則聖人豈私尊魯哉崩之為言以其高也天子者高之至也下此則非其至故惟天子可以言崩若其所謂薨也卒也死也則通上下之詞也孔子曰何必高宗古之人皆然於君薨百官總已以聽於冢宰書曰公薨成王葬於畢則天子諸侯通曰薨孟子曰舜卒於鳴條文王卒於畢郢則天子諸侯大夫通曰卒舜典曰陟方乃死論語曰齊景公死之日大司樂曰大臣死則掩縣則天子諸侯大夫通曰死事固有名同而實異名異而實同者苟無不可聖人莫之變焉知其同異不相廢也以其同異不相廢是故外君與內大夫同謂之卒而不嫌於有所貶內君與夫人獨謂

之薨而不嫌於有所私特以內外欲其辨故假此以定其詞耳

左氏曰凡諸侯同盟於是稱名故薨則赴以名赴以名則書之不然則否辟不敏也信斯言則君赴當稱名而禮載赴詞曰寡君不祿春秋之時其制雖不能盡合於古然以情文揆之君始沒而臣斥其名以告於外疑非哀敬之道也謂之禮經誤矣然諸侯之名不可徧知也惟同盟然後見於載書故其來赴則得書於冊且以示易世之實又凡來赴者不過隣好之國隣則相習好則相達非是則雖赴亦闕所不知故書名不必同盟苟可知焉則志之也天子魯君不名

則以明尊親之義且一而不疑故禮曰諸侯不生名失地則名滅同姓則名以經考之書稱呂伋君與詩稱呂虎則生且名之矣楚滅夔蔡滅沈皆滅同姓也衛侯奔楚邲伯來奔皆失地也而不名則禮說非也天子君天下者也無與為敵故不名諸侯則各君其國者也以其有君道故平居亦不名有所降則名之下於天子故也王采地之大夫與附庸之君凡未爵命於天子者則不盈乎君道矣雖不盈乎君道然異於列臣故平居則稱字有所降則名之夫字親所命也爵君所命也故稱爵則不稱字明爵尊於字也諸侯之大夫則卑矣故平居則族而名之有所降則舍

族惟天子尹宰及公之孤特貴故又以其官加之所以別列臣也天子大上者也褒貶不加其身有所見則借辭以明義諸侯與大夫之爵皆受於其君者也非君誰能黜陟之故諸侯善則進其辭以爵不得而加也有所降則名之大夫善則稱其字以字尊於族也有所降則去疾夫爵莫卑於子男然君道也故春秋所書自子男以上其平居皆不名諸侯之世子諸侯之卿天子之中下大夫與士其命數皆不逮子男則其名之禮也穀梁曰臣既死君不忍稱其名禮曰國若不名卿老而何休有五不名之義考於經公孫敖既卒而名魯大夫雖歷數世而名則是未可知也

若乃高宗之於伊尹成王之於周公則人有所謂嶺之而弗臣者矣

鄭游吉曰先王之制諸侯之喪士弔大夫送葬惟嘉好聘享三軍之事於是乎使卿子大叔曰文襄之霸也君薨大夫弔卿共葬事夫人士弔大夫送葬考之周禮天子公卿大夫之喪則宰夫掌之諸侯之喪則職喪掌之宰夫下大夫也職喪士也公卿體國者也故其喪則宰夫與職喪帥官有司而治之大僕弔焉大僕亦下大夫也大夫則卑矣不皆自往使其旅帥有司治之而小臣弔焉小臣下士也若諸侯則雖職喪亦不自往使國有司以王命蒞事而已矣至於諸

侯自相為之禮則亡然春秋之時天子所遣以喪禮
至魯者或卿宰或大夫士不知果合於職喪所謂國
有司者乎然國有司既受令於士則又非卿大夫明
矣游吉之言必或有據與子大叔所謂文襄之時固
又不同則周衰禮法廢缺時君出意而為之未必合
於先王也傳以秦景公之喪大夫送葬為禮又稱歸
齊之薨晉士送葬以游吉之言為正則魯為得禮而
晉為少殺矣然經於二者皆不書其人則以非卿故
也魯之喪惟王人來會大國則卿未嘗至小國則君
或自來然則豈有定制哉

外大夫

莊二十七年秋公子友如陳葬原仲

春秋五禮例宗卷第三

凶禮下

弑

弑殺葬

外弑君

滅執以殺以用二其執門

隱四年二月戊申衛州吁弑其君完

九月衛人殺州吁于濮 五年夏四月癸亥衛桓公

桓二年正月戊申宋督弑其君與夷及其大夫孔父

六年蔡人殺陳佗 左傳五年陳侯鮑辛文公子陀殺太子免而代之

莊八年冬十一月癸未齊無知弑其君諸兒

九年春齊人殺無知 七月丁酉葬齊襄公

十二年八月甲午宋萬弑其君捷及其大夫仇牧 十月

萬奔陳左傳宋請于陳

僖十年正月晉里克弑其君卓及其大夫荀息

夏晉殺其大夫里克

文元年十月丁未楚世子商臣弑其君顯

十四年九月齊公子商人弑其君舍

十六年十一月宋人弑其君杵臼

十八年五月戊戌齊人弑其君商人

冬莒弑其君庶其

宣二年九月乙丑晉趙盾弑其君夷臯

四年六月乙酉鄭公子歸生弑其君夷

十年五月癸巳陳夏徵舒弑其君平國

十一年十月楚人殺陳夏徵舒 十二年春葬陳靈公

十八年七月邾人戕郕子於郕

成十八年正月庚申晉弑其君州蒲

襄二十五年五月乙亥齊崔杼弑其君光

二十六年二月辛卯衛甯喜弑其君剽

二十七年夏衛殺其大夫甯喜

二十九年五月閹弑吳子餘祭

三十年四月蔡世子般弑其君固 十月葬蔡景

公

三十一年十一月莒人弑其君密州

昭十一年夏四月丁巳楚子虔誘蔡侯般殺之于申

十三年冬十月葬蔡靈公

八月葬侯廬歸于蔡

十三年四月楚公子比自晉歸於楚弑其君虔于乾谿
楚公子棄疾殺公子比

十六年春楚子誘戎蠻子殺之

十九年夏五月戊辰許世子止弑其君買穀梁曰此未踰年而死

冬葬許悼公

二十七年夏四月吳弑其君僚

定十三年冬薛弑其君比

哀四年二月庚戌盜弑蔡侯申十二月葬蔡昭公左氏夏蔡人

殺賊

六年秋齊陳乞弑其君荼

外未成君

僖九年冬普里克殺其君之子奚齊公羊殺作弑

左氏曰凡弑君稱君君無道也稱臣臣之罪也公羊

曰大夫弑君稱名氏微者窮諸人賤者窮諸盜其稱

國者衆辭也穀梁曰稱國以弑其君若惡甚矣夫弑

君天地之大惡人倫之所弃也君雖無道臣必蒙首

惡之誅所以定名分遏禍亂也今以君無道而畧弑

賊之名則是君可得而戮矣豈聖人意哉凡弑者難

生於一人則斥其名合衆力以行之則稱人假國勢

以行之則稱國人臣假國之靈以取重而反以其重

危其君此之謂大惡然則惡大矣而沒其名豈不利

於為惡者哉夫國人居之而已獨致難焉則惡其名

之彰徹聖人於是名之名之則其罪顯力足以使
權足以用國以此危其君則將以有為也聖人於是
沒其名則其罪深夫春秋非特錄善惡之實而已也
其文則存乎史其義則見乎經故由其文則名雖沒
而不憂後世之無所考由其義則凡不即史者聖人
之意也凡諸侯不以道終於下曰弑於兵曰滅殘之
曰戕尸之曰用於敵國曰殺重君變也大夫公子不
以其道死皆曰殺畧臣事也

公羊曰君弑而賊不討則不書葬以謂其國無臣子
也然則賊已討而不書葬者魯不會也何以知其然
魯之隱閔非不葬也而不書則以賊不討故也宋公

捷衛侯剽之賊討矣而不書葬則以魯不會故也夫
弑而不討固臣子之罪然有可討者有不可討者弑
而篡之位未及定未命於天子未會於諸侯國人殺
之聖人與焉書曰某人殺某是也

州吁無知是

既命於

天子既會於諸侯而位既定矣國人殺之聖人不與
書曰某人弑其君是也衛剽是此可討不可討之義也
夫奪君之國而有之其罪顯且大故不俟貶絕而惡
見然天子已命之諸侯已列之則成其為君成其為
君而國人又加戮焉則是君無時而定位國無時而
難息也故復被以弑君之名夫使篡人得正其名為
君者是天子諸侯之過也若國人已君之則又安得

加戮戮雖不可加而其罪則不為之泯不書其類宋泯其罪以存善惡之戒不戮其成君以息爭奪之難聖人之微意也陳恒弑君孔子請討之則凡弑者內外皆得以討今不討而會之故曰諸侯之過也若乃魯桓公見殺於齊蔡靈公見殺於楚則以敵國非所以言弑故不以討罪而葬也

王殺大夫

宣十五年王札子殺召伯毛伯

襄三十年五月天王殺其弟佞夫

內殺大夫

僖二十八年春公子買戍衛不卒戍刺之

成十六年十二月乙酉刺公子偃

外殺大夫

殺賊七見殺門孰以殺二見執門

因弑被殺三見殺門

莊九年九月齊人取子糾殺之

二十二年正月陳人殺其公子御寇

二十六年夏曹殺其大夫

僖五年春晉侯殺其世子申生

七年夏鄭殺其大夫申侯

十一年春晉殺其大夫平鄭父

二十五年夏宋殺其大夫

二十八年四月楚殺其大夫得臣

三十年秋衛殺其大夫元咺及公子瑕

文六年十月晉殺其大夫陽處父

七年四月宋人殺其大夫

八年十月宋人殺其大夫司馬

九年二月晉人殺其大夫先都

三月晉人殺其大夫士穀及箕鄭父

十年夏楚殺其大夫宜申

宣九年冬陳殺其大夫洩冶

十三年冬晉殺其大夫先穀

十四年衛殺其大夫孔達

成八年夏晉殺其大夫趙同趙括

十五年秋宋殺其大夫山

十六年六月楚殺其大夫公子側

十七年十二月晉殺其大夫卻錡卻犇卻至

十八年春正月晉殺其大夫胥章

齊殺其大夫國佐

襄二年冬楚殺其大夫公子申

五年秋楚殺其大夫公子壬夫

十年冬盜殺鄭公子駢公子發公孫輒

十九年秋齊殺其大夫高厚

鄭殺其大夫公子嘉

二十年秋蔡殺其大夫公子燮

二十二年冬楚殺其大夫公子追舒

二十三年夏陳殺其大夫慶虎及慶寅

冬晉人殺欒盂奔入

二十六年秋宋公殺其世子痤

三十年秋鄭人殺良霄奔入

昭二年秋鄭殺其大夫公孫黑

五年春楚殺其大夫屈申

八年春陳侯之弟招殺陳世子偃師

秋陳人殺其大夫公子過

冬十月楚師滅陳執陳公子招放之於越殺陳孔奭

十二年五月楚殺其大夫成熊

十四年冬莒殺其公子意恢

二十年秋盜殺衛侯之兄繫

二十七年四月楚殺其大夫卻宛

哀二年十一月蔡殺其大夫公子馮

四年夏蔡殺其大夫公孫姓公孫霍

十三年十一月盜殺陳夏區夫

公羊曰稱國以殺者君殺大夫之辭也穀梁曰稱國以殺殺無罪也又曰罪累上也稱人以殺殺有罪也左氏曰殺大夫不稱名衆也且言非其罪也夫大夫之罪不登於死而君殺之徒以有國之威耳故謂之君殺大夫蔡邕之盟無專殺大夫意謂此也其曰罪累上者以繫之君也大夫有罪國人皆曰可殺於是

殺之則稱人此與衆弃之之義也大夫生死皆名雖曰無罪而死亦必名之所以正君臣之分其是非不在此也殺而不名雖曰衆也然晉鄭一日殺三卿而經并書其名則曾宋之卿亦未必衆也特以彼不告故不得而詳耳然卿與大夫異位而皆曰大夫皆然以周官大夫有中下而無上則卿者上大夫故也或曰大夫或曰公子或曰世子或曰兄弟穀梁謂公子未命為大夫者然其重視大夫君之世嫡曰世子母昆弟曰兄弟其見殺也不以有罪無罪皆斥其君以明親親之道也被無罪而君殺之君失其親彼有罪而致殺彼失其親然周制同姓之罪不即市而致刑

於甸師焉不與國人慮之也為人君而自賊其類不

祥莫大焉

災變

日食

隱三年春王二月己巳日有食之

桓三年秋七月壬辰朔日有食之既

十七年冬十月朔日有食之

莊十八年春王三月日有食之

二十五年六月辛未朔日有食之鼓用牲於社

二十六年十二月癸亥朔日有食之

三十年九月庚午朔日有食之鼓用牲於社

僖五年九月戊申朔日有食之

十二年春王三月庚午日有食之

十五年夏五月日有食之

文元年二月癸亥日有食之

十五年六月辛丑朔日有食之鼓用牲於社

宣八年七月甲子日有食之既

十年夏四月丙辰日有食之

十七年六月癸卯日有食之

成十六年六月丙寅朔日有食之

十七年十二月丁巳朔日有食之

襄十四年二月乙未朔日有食之

十五年八月丁巳日有食之

二十年十月丙辰朔日有食之

二十一年九月庚戌朔日有食之

冬十月庚辰朔日有食之

二十三年春王二月癸酉朔日有食之

二十四年七月甲子朔日有食之既

八月癸巳朔日有食之

二十七年十二月乙亥朔日有食之

昭七年四月甲辰朔日有食之

十五年六月丁巳朔日有食之

十七年六月甲戌朔日有食之

二十一年七月壬午朔日有食之

二十二年十二月癸酉朔日有食之

二十四年五月乙未朔日有食之

三十一年十二月辛亥朔日有食之

定五年春王三月辛亥朔日有食之

十二年十一月丙寅朔日有食之

十五年八月庚辰朔日有食之

凡日月之會有當交而食者陰陽之數然也有不應食而食者變異之所出也夫陽不勝陰則日為之食是以人君惡之先王克謹天戒設官置史以先之自堯舜以來未之改也或失其職則以為大戮故左氏

謂天子有日官諸侯有日御其不書日者官失之而義和廢時亂日則夏后征焉春秋之時官廢不舉所書日食或失其甲子或失其晦朔聖人不加損焉以示過也然春秋不以日月為倒而此獨以不書為失則以日之食也必在於朔而晦朔必由甲乙然後可推今既曰朔矣則是知其甲乙也既知其甲乙矣則是知其為晦朔也然或書朔而無甲乙或書甲乙而無朔或兩不書焉足以明日官日御之過而異乎餘事之繫乎日月者也餘事不繫之以日月則前史所闕雖孔子不可得而知非若日食之存乎度数者可考故也夫春秋不以日月為例何也曰日月記事之

常體本無可以示義之意先儒之說雖多然考其所
書雜然不可為之典要故或時而不月或月而不時
或有時與日而無月僖六年或有月而無時桓七年或
全年無月凡五或全年無日凡五或無事書首月以其四
時亦或不必具者桓七年定十年時月日皆備唯襄公三十
年一耳聖人不務彌縫其闕則以褒貶所寄不在乎
此也

晦朔附

僖十五年九月己卯晦

十六年春王正月戊申朔

二十二年冬十一月己巳朔

成十六年六月甲午晦

星

莊七年夏四月辛卯夜恆星不見夜中星隕如雨

文十四年秋七月有星孛入於北斗

昭十七年冬有星孛于大辰

哀十三年冬十一月有星孛于東方

霜

僖三十三年十二月隕霜不殺草李梅實

定元年冬十月隕霜殺菽

雪見震電門

桓八年冬十月雨雪

僖十年冬大雨雪

昭四年春王正月大雨雪

左作電穀注云亦作電

震電

隱九年三月癸酉大雨震電庚辰大雨雪

僖十五年九月己卯晦震夷伯之廟

電

僖二十九年秋大雨電

昭三年冬大雨電

雨

莊三十一年冬不雨

僖二年冬十月不雨

三年春王正月不雨

夏四月不雨

六月雨

文二年自十二月不雨至于秋七月

十年自正月不雨至于秋七月

十三年自正月不雨至于秋七月

旱

僖二十一年夏大旱

宣七年秋大旱

水

桓元年秋大水

十三年夏大水

莊十年秋大水

十一年秋宋大水

二十四年八月大水

二十五年秋大水鼓用牲于社于門

宣十年秋大水

成五年秋大水

襄二十四年秋七月大水

凶年

莊七年秋無麥苗

二十八年冬大無麥禾

臧孫辰告糶于齊

宣十年冬饑

十五年冬饑

襄二十四年冬大饑

定五年夏歸粟于蔡 四年秋楚人圍蔡

凶年一也或以所無書或以饑書書所無者民未必
饑也而有所乏至于饑則上下匱矣

冰

桓十四年春正月無冰

成元年二月無冰

十六年春王正月雨 冰

襄二十八年春無冰

火 宮廟三見本門

莊二十年夏齊大災

僖二十年五月乙巳西宮災

宣十六年夏成周宣榭災

襄九年春宋災

三十年五月甲午宋災冬晉人齊人宋人衛人鄭人曹人莒人

邾人滕人薛人杞人小邾人會于澶淵宋災故

昭九年夏四月陳災

十八年五月壬午宋衛陳鄭災

定二年夏五月壬辰雉門及西觀災

冬新作

哀四年六月辛丑亳社災

左氏曰凡火天曰災人曰火火之所及者小則人可

為也至於所及廣則宜非人力所能為故謂之災謂
之災則弔卹之禮行焉公羊以為國邑之辨誤矣

地

文九年九月癸酉地震

襄十六年五月甲子地震

昭十九年五月己卯地震

二十三年八月乙未地震

哀三年四月甲午地震

山石

僖十四年秋八月辛卯沙鹿崩

十六年正月戊申朔隕石于宋五

成五年夏梁山崩

蝻

桓五年秋蝻

僖十五年八月蝻

文三年秋兩蝻于宋

八年冬十月蝻

宣六年秋八月蝻

十三年秋蝻

十五年秋蝻

襄七年八月蝻

哀十二年冬十二月蝻

十三年九月蝻

十二月蝻

螟

隱五年九月螟

八年九月螟

莊六年秋螟

雜蟲

莊十八年秋有蠹

二十九年秋有蜚

宣十五年冬蠃生

禽獸

莊十七年冬多麋

僖十六年正月戊申朔隕石于宋五五月六鷓退飛過宋都
昭二十五年夏有鸛鵒來巢

左氏曰凡物不為災不書夫螽螟麋蚋固害物矣而
蜚鷓鸛鵒則非能為災者也公羊有記災記異之辨
是矣

春秋之書變異為傳者其說不同聖人果以人事測
天乎曰天地與人其類既殊其事相遠非有語言臭
味可相交際而得之也然至其變見景象恠感之物
動乎其間則君子恐懼修省而弗敢忽焉是故天大
雷電以風書志成王之畏日食震電川沸山崩詩刺

幽王之亂而雉鼎之雉同類之禾共生之桑穀聖人
存之以示戒而於春秋尤詳焉以謂天地之道雖幽
微遠甚而其氣類發越託於象類者必皆有以召之
然聖人不正名其所以召之者以謂不可知也吾見
天地之行有異也曰是必人事之有失云耳吾將推
人事之失以合天意而不知其果合與否也曰是不
可必存之以示戒云耳及後之為說者不然曰天地
之異如此吾必求所以當之者昔為某事今有某應
於是傳會白黑弃捐度數而務通其意之所向至其
不合也則遷就以益之誣天罔民莫大於此吾知其
所本矣蓋為傳者之過也夫為傳者不深求聖人所

以必書之意而板援慎筮卜祝之言以為說凡日星
有謫必曰今茲某國之君盍當其變或水或旱盍係
其應又或緣某事而生或因某言而息嗚呼天道果
如其膠耶蓋其間固其度数所絕不得不然者有
陰陽錯繁不可以度数求者有非常而興者聖人兼
而舉之以見夫道之多變以明吉凶之無常非必指
事以為應也洪範五徵雖主於五事然五事之所該
有不可勝窮者矣夫既或係乎度数不得不然則其
以變異書何也曰由度数而然者常也其不可以度
數求者異也即其常則足以見其異是故而不相廢
焉不然則當時諸侯其數千百事之善否日固萬變
苟一國之君一事之失而必謫見于天則天事亦已
勞矣

春秋五禮例宗卷第七

軍禮四

張氏

蒐狩

天王

僖二十八年冬天王狩于河陽

內

桓四年春正月公狩于郎

七年春二月己亥焚咸邱

莊四年冬公及齊人狩于禚

昭八年秋蒐于紅

十一年五月大蒐于比蒲

二十二年春大蒐于昌間

定十三年夏大蒐于比蒲

十四年秋大蒐于比蒲

哀十四年春西狩獲麟

春曰蒐夏曰苗秋曰獮冬曰狩經書蒐狩而不及苗獮則以苗獮皆如蒐田之法故耳且四時之田莫先於蒐莫備於狩於是馬有失則書之其餘雖失未足道也猶之四時之祭獨舉烝嘗則以春夏物不備雖有失馬未害于禮之成也凡禮以其常舉之則無小大之異其曰大者皆越其常者也

城附

內

隱七年夏城中邱

九年夏城郎

桓五年夏城祝邱

十六年冬城向

莊二十九年十二月城諸及防

文七年春公伐邾取須句遂城郟

十二年冬季孫行父帥師城諸及郟

宣八年冬十月城平陽

成四年冬城郟

九年十一月城中城

襄七年夏四月城費

十三年冬城防

十五年夏季孫宿叔孫豹帥師城成郭

十九年冬城西郭

城武城

定六年冬城中城

十二年夏叔孫州仇帥師墜郛

季孫斯仲孫何忌帥師墜費

十四年秋城莒父及霄

十五年冬城漆

哀三年五月季孫斯叔孫州仇帥師城啓陽

四年夏城西郭

五年春城毗

六年春城邾瑕

外內與外同城並其比門

莊三十二年春城小穀

僖元年夏六月邢遷於夷儀齊師宋師曹師城邢

二年正月城楚邱

十四年春諸侯城緣陵

襄二年冬仲孫蔑會晉荀躒齊崔杼宋華元衛孫林父曹

人邾人滕人薛人小邾人于戚遂城虎牢

二十九年夏仲孫羯會晉荀盈齊高止宋華定衛

世叔儀鄭公孫段曹人莒人邾人滕人薛人小邾人城杞

昭三十二年冬仲孫何忌會晉韓不信齊高張宋仲
幾衛世叔申鄭國春曹人莒人薛人杞人邾人城成周

興築 毀附

莊九年冬浚洙

二十八年冬築郕

二十九年春新延廡

三十一年春築臺于郎

夏四月築臺于薛

秋築臺于秦

僖二十年春新作南門

文十六年八月毀泉臺

成十八年秋築鹿囿

昭九年冬築郎囿

定二年冬新作雉門及西觀 夏災

十三年夏築地淵囿

左氏曰凡邑有宗廟先君之主曰都無曰邑邑曰築
都曰城穀梁曰城為保民為之也民衆城小則益城
益城無極凡城之志皆譏也夫城有二有增舊而城
之者有作都邑而城之者今日益城無極則是特論
增城者耳詩稱王命南仲往城于方易稱王公設險
以守其國而大司馬之屬以時修城郭之固則城者
先王所不廢特以謂不恃此以保民則可矣故傳稱

莒不戒城惡而致潰也城因築而後成故亦謂之築而築不足以盡城之義蓋曰城則有厲禁封守之法焉若以為都邑之辨則作邑於豐既成洛邑非無宗廟者也凡土功龍見而戒事火見而致用水昏正而裁曰至而畢過亦書

春秋五禮例宗卷第七

賓禮上

張氏

春秋五禮例宗卷第八

朝廟見廟門

朝王

僖二十八年五月癸丑公會晉侯齊侯宋公蔡侯鄭伯衛子莒子盟于踐土公朝于王所冬天王狩于河陽壬申公朝于王所

來朝

使朝見皆尚

內女朝子見內女來門

隱十一年春滕侯薛侯來朝

桓二年春正月滕子來朝

秋七月紀侯來朝

左非紀侯

六年冬紀侯來朝

七年夏穀伯綏來朝鄧侯吳離來朝

九年冬曹伯使其世子射姑來朝

十五年夏邾人牟人葛人來朝

莊公五年秋邾犁來來朝

二十三年夏公及齊侯過于穀蕭叔朝公

二十七年冬杞伯來朝

僖七年夏小邾子來朝

二十年夏郟子來朝

二十七年春杞子來朝

文十二年正月杞伯來朝

秋滕子來朝

十一年秋曹伯來朝

十五年夏曹伯來朝

宣元年秋邾子來朝

成四年三月杞伯來朝

六年夏六月邾子來朝

七年夏五月曹伯來朝

十八年秋杞伯來朝

八月邾子來朝

襄元年九月邾子來朝

六年秋滕子來朝

七年春邾子來朝

夏四月小邾子來朝

二十一年冬十月曹伯來朝

二十八年夏邾子來朝

昭三年秋小邾子來朝

十七年春小邾子來朝

秋邾子來朝

定十五年正月邾子來朝

哀二年夏四月滕子來朝

凡諸侯見天子謂之朝亦謂之覲曲禮曰天子當依而立諸侯北而面見曰覲天子當寧而立諸侯東面而西面曰朝鄭氏謂朝受摯于朝受享于廟而覲

則一受之於廟大宗伯曰春見曰朝夏見曰宗秋見曰覲冬見曰遇由曲禮則朝覲之別以位由宗伯則朝覲之別以時然書稱歲二月東巡守至於岱宗肆覲東后又曰五載一巡守群后四朝則朝覲不必以時為別明堂位稱周公朝諸侯天子負依而立則朝覲不必以位為別覲禮稱諸侯前朝則朝覲亦為通稱明矣論語謂子退朝則臣朝其君者也大行人謂使諸侯世相朝則諸侯交相見者也夫諸侯交相見而以臣朝其君之名名之所以崇敬讓相親睦之道也諸侯以君道臨人則可以受人之朝而不為僭敵國以敬讓相下雖朝人之國而不為屈如是則庶邦

睦而王室寧矣春秋之時小國則朝大國則否故經所書朝
事不一皆以小事大之禮也叔向曰明王之制間朝以講禮也
三歲而子大叔云五歲一朝與行人之法固異在氏獨以
子大叔為正必有據依然者于書成王命諸侯六年五
服一朝又六年王乃時巡各朝于方岳以諸侯朝年
止猶六歲則間于天子之事而相朝宜不能數於此
然則世相朝殆先王之制矣

凡諸侯朝王大人逆勞于畿至于郊王人勞之至
于國天子館之前朝皆受舍于朝同姓西面而異姓
東面朝之日致命以王享以幣馬既而退聽事于廟
門之左天子命之歸勞其來然後乃出于是申以車

服之賜重以享宴之好且為壇于國門之外以侍會
盟而令事焉諸侯自相朝之禮雖亡然司儀掌客略
具其文而其實則猶見于春秋故傳稱齊侯如晉晉
士鞅逆諸河嬰魯昭公如晉自郊勞至于贈賄無失
禮焉則亦逆勞贈好之禮也子產謂晉文公卑宮室
而大諸侯之館則亦館之之禮也襄三十一邾隱公來朝
執玉高魯定公受玉卑定五則亦致命以玉之禮也鄭
伯如晉壞垣以納車馬曰無所藏幣則亦享以幣馬
之禮也襄三十二隱公謂滕薛曰周之宗盟異姓為後
年則亦辨姓之禮也曹伯如晉受正文四魯襄公如晉
聽政四年則亦聽事之禮也晉侯享諸侯鄭伯辭享襄

則亦享宴之禮也鄭伯如楚舍而不壇東主則亦為壇之禮也夫為壇乃天子所以令諸侯之制春秋以小朝大則亦受其令故也然則春秋諸侯相朝之禮始畧與覲禮等乎

王聘

隱七年冬天王使凡伯來聘

九年春天王使南季來聘

桓四年夏天王使宰渠伯糾來聘

五年夏天王使仍叔之子來聘

八年春正月天王使冢父來聘

莊二十三年春蔡叔來聘

僖三十年冬天王使宰周公來聘

宣十年秋天王使王季子來聘

外聘

隱七年夏齊侯使其弟年來聘

桓三年冬齊侯使其弟年來聘

莊二十三年夏荆人來聘

二十五年春陳侯使女叔來聘

僖三十三年二月齊侯使國歸父來聘

文四年秋衛侯使甯俞來聘

九年冬楚子使椒來聘

十二年秋秦伯使術來聘

宣十年冬齊侯使國佐來聘

成四年春宋公使華元來聘

八年春宋公使華元來聘

冬十月晉侯使士燮來聘

十八年夏晉侯使士匄來聘

襄元年冬衛侯使公孫剽來聘

晉侯使荀瑩來聘

五年夏鄭伯使公子發來聘

八年冬晉侯使士匄來聘

十二年夏晉侯使士魴來聘

二十六年夏晉侯使荀吳來聘

二十七年春齊侯使慶封來聘

二十九年夏五月晉侯使士鞅來聘

吳子使札來聘

三十年春正月楚子使薳罷來聘

昭二年春晉侯使韓起來聘

十二年夏宋公使華定來聘

二十一年夏晉侯使士鞅來聘

曲禮曰諸侯使人問于諸侯曰聘而大行人稱時聘以結諸侯之好典瑞稱圭璋以類聘則天子使人問諸侯亦謂之聘王制稱諸侯之於天子比年一小聘

三年一大聘則諸侯使人問天子亦謂之聘穀梁曰
聘諸侯非正誤矣叔向謂明王之制歲聘以志業而
子大叔稱晉文之霸也令諸侯三歲而聘考子禮經
時聘無數然則苟以事行焉可也春秋之時伯者制
其䟽數故合諸侯以今朝聘之數然魯襄昭之間使
介不道于齊者凡二十年則其䟽數不足證也
周之舊制卿大夫出聘畧見于司儀掌客之職而具
於聘禮凡使介之來入境則卿逆而勞之至于朝則
致館既入則受於廟致命則以圭入享則以幣私覲
則以錦加以勞問申以享宴好以貨賄所以交隣國
之道也春秋之時畧有其實故傳稱季武子聘于宋
褚師段逆之以受享襄二十叔弓聘于晉晉侯使郊勞
辭使致館又辭昭秦西乞術來聘襄仲辭玉襄十國莊
子來聘自郊勞至於贈賄禮成而加之以敏晉士鞅
來聘季孫使饋七牢而享宴之禮則無國無之雖未
盡合于古乃有先王之遺制焉

獨稱如以米見外如禹及以米一來遂逆后見昏門

隱元年十二月祭伯來

閔元年冬齊仲孫來

僖二十九年春介葛盧來

冬介葛盧來

襄十八年春白狄來

凡書來有來朝有來聘然不以朝聘名之謂其禮不成也

來錫

莊元年冬十月王使榮叔來錫桓公命

文元年夏四月天王使毛伯來錫公命

成八年秋七月天子使召伯來錫公命錫左作賜

來求歸來歸豈元取門
來求婦一見昏門

桓十五年春二月天王使冢父來求車

莊六年冬齊人來歸衛俘左作衛賢

文九年春毛伯來求金

會

夫人及公會見諸侯門

莊二年冬十一月夫人姜氏會齊侯于禚

七年春夫人姜氏會齊侯于防

冬夫人姜氏會齊侯于穀

僖十七年秋夫人姜氏會齊侯于卞

內女

莊二十七年春公會杞伯姬于洮

諸侯

隱二年春公會戎于潛

九年冬公會齊侯于防

十年二月公會齊侯鄭伯于中邪

十一年夏公會鄭伯於時來

桓元年三月公會鄭伯於垂

二年七月蔡侯鄭伯於鄧

三年正月公會齊侯於羸

夏六月公會杞侯於郟

六年四月公會紀侯於成

十年秋公會衛侯于桃邪弗遇

十一年秋公會宋公於夫鐘

冬十二月公會宋公於闕

十二年八月公會宋公於虛

冬十一月公會宋公于龜

十四年正月公會鄭伯於曹

十五年夏公會齊侯於艾

十六年春正月公會宋公蔡侯衛侯於曹

十八年正月公會齊侯於濼公與夫人遂如齊

莊十三年春齊侯宋人陳人蔡人邾人會於北杏

十四年冬單伯會齊侯宋公衛侯鄭伯于鄆

十五年春齊侯宋公陳侯衛侯鄭伯會于鄆

二十七年冬公會齊侯于城濮

僖元年八月公會齊侯宋公鄭伯曹伯邾人於極

三年秋齊侯宋公江人黃人會于陽穀

十一年夏公及夫人姜氏會齊侯于陽穀

十三年公會齊侯宋公陳侯衛侯鄭伯許男曹伯于鹹

十六年冬十二月公會齊侯宋公陳侯衛侯鄭伯

許男邢侯曹伯於淮

二十一年秋宋公楚子陳侯蔡侯鄭伯許男曹伯會於平

宋公以伐宋

二十八年冬十二月會公羊有公字齊侯宋公陳侯

衛侯鄭伯邾子秦人於温

文十三年冬公如晉衛侯會公于脊冬十二月己

丑公及晉侯盟還自晉鄭伯會公于棗

十七年六月諸侯會于扈

宣元年夏公會齊侯於平州

七年冬公會晉侯宋公衛侯鄭伯曹伯于黑壤

九年秋九月晉侯宋公衛侯鄭伯會于扈

十一年秋晉侯會狄于攢函

成十二年夏公會晉侯衛侯于瑣澤

十六年秋公會晉侯齊侯衛侯宋華元邾人于沙隨不見公

襄五年秋公會晉侯宋公陳侯衛侯鄭伯曹伯莒

子邾子滕子薛伯齊世子光吳人鄩人于戚

七年十二月公會晉侯宋公陳侯衛侯曹伯莒

子邾子於邾鄭伯髡頑如會未見諸侯丙戌

卒於鄆陳侯逃歸

十年春公會晉侯宋公衛侯曹伯莒子邾子滕子薛伯杞伯小邾子齊世子光會吳子札

二十一年冬公會晉侯齊侯宋公衛侯鄭伯曹

伯莒子邾子于商任

二十二年冬公會晉侯齊侯宋公衛侯鄭伯曹

伯莒子邾子薛伯杞伯小邾子于沙隨

二十四年秋八月公會晉侯宋公衛侯鄭伯曹

伯莒子邾子滕子薛伯杞伯小邾子于夷儀

昭四年夏楚子蔡侯陳侯鄭伯許男徐子滕子頓

子胡子沈子小邾子宋世子佐淮夷會于申

楚人執徐子

定八年夏公會晉師于瓦

十年夏公會齊侯于夾谷

各齊侯衛侯鄭游速會于安甫

十四年夏五月公會齊侯衛侯于牽

秋齊侯宋公會于洮 大蒐於比蒲邾子來會公

哀七年夏公會吳于鄫

十一年夏公會吳于橐臯

秋公會衛侯宋皇瑗于鄭

十三年夏公會衛侯及吳子於黃池

大夫 會救吳見突門

文元年秋公孫敖會晉侯於戚

十一年夏叔彭生會晉卻缺于承匡

宣十四年冬公孫歸父會齊侯于穀

十五年春公孫歸父會楚子于宋

秋仲孫蔑會齊高固于無婁

成五年夏叔孫僑如會晉荀首於穀

十五年十一月叔孫僑如會晉士燮齊高无咎

宋華元衛孫林父鄭公子鱣邾人會吳于鍾離

襄二年秋七月仲孫蔑會晉荀瑩宋華元衛孫林

父曹人邾人于戚

冬仲孫蔑會晉荀瑩齊崔杼宋華元衛孫林父

曹人邾人滕人薛人小邾人于戚

五年夏仲孫蔑衛孫林父會吳於善道

八年春公如晉夏季孫宿會晉侯鄭伯齊人宋

人衛人邾人於邢邱

十四年正月季孫宿叔老會晉士匄齊人宋人

衛人鄭公孫蔓曹人莒人邾人滕人薛人杞

人小邾人會吳於向

冬季孫宿會晉士匄宋華閱衛孫林父鄭公孫

蔓莒人邾人於戚

十九年冬叔孫豹會晉士匄於柯

二十六年公會晉人鄭良霄宋人曹人於澶淵

昭元年春叔孫豹會晉趙武楚公子圍齊國弱宋

向成衛齊惡陳公子指蔡公孫歸生鄭軍處
許人曹人於號
九年春叔弓會楚子於陳
十一年秋季孫意如會晉韓起齊國弱宋華亥
衛北宮佗鄭罕虎曹人杞人於厥憇
二十五年夏叔詣會晉趙鞅宋樂大心衛北宮
喜鄭游吉曹人邾人滕人薛人小邾人於黃父
二十七年秋晉士鞅宋樂祁犁衛北宮喜曹人
邾人滕人會於危
三十一年春季孫意如會晉荀躒於造歷
六年夏叔還會吳於柤

傳稱楚子合諸侯於申問禮於宋左師鄭子產左師
獻公合諸侯之禮六子產獻伯子男會公之禮六子
服景伯曰王合諸侯則伯帥侯牧以見於王伯合諸
侯則侯帥子男以見於伯然則王伯合諸侯之禮不
同今皆亡之惟宗伯稱時見為會而司儀掌客畧具
其儀其節則未之詳也叔向以謂明王之制再朝而
會以示威再會而盟以顯昭明然則六歲一會矣以
宗伯言之時會無數則非有䟽數苟以事行焉可也
春秋之時朝聘會盟皆出強國之令久而未至則徵
之亦未必有其節也
周官國君命數以次而殺其別有五其節有三公為

上侯伯為次子男為下若春秋之時則伯子男合而為一故子產謂鄭伯男也而共公侯之貢孟子論周室班爵祿則又曰公一位侯一位伯一位子男同一位與周官春秋雖不合然五等之高下固自若也先王以是稱諸侯之功而定其班列及其衰也強者并而五霸興中國不競則又擅於夷狄文武所褒大封皆威而服焉春秋所書班列之次率不與先王合或主兵或主會或主謀則雖小國有在伯國之上者矣或為伯所并或為伯所黜則雖大侯有在子男之下者矣叔孫曰宋衛吾匹也又曰諸侯之會寡君未嘗後衛君則魯之班先衛而下宋矣傳曰周之宗盟異

姓為後而子魚所稱踐土之盟齊宋皆下諸姬則魯之班又當在宋上矣然春秋以魯為主故凡公會諸侯不復以班皆為之冠若外諸侯則同姓亦宜為異姓之先而經不然者蓋當時先後實以強弱為之次聖人不皆正焉所以示其非也如踐土之盟子魚所稱亦與經不合豈當時載書與諸國所紀異其文哉豈聖人惡其文之正而實之違哉

禮諸侯世子誓於天子攝其君則下其君之禮一等未誓則以皮帛繼子男而春秋所書諸侯世子或在國君上下一出於伯者所命而已矣諸公之孤其命數亦視子男侯伯之卿下孤一等子男之卿下侯伯

一等滅宣叔曰次國之上卿當大國之中中當其下
下當其上大夫小國之上卿當大國之下卿中當其
上大夫下當其下大夫古之制也叔孫婁又謂周制
列國之卿當小國之君而左氏亦云卿不會公侯會
伯子男可也案列國之卿與天子之元士皆三命元
士受地則得視子男而列卿則無視子男之禮其曰
當小國之君未之詳也周官有卿而無上大夫則上
大夫謂卿也今宣叔之言則諸侯之國既有卿又有
上大夫列國之大夫固足以當小國之卿而其所謂
上下次大之節禮無其文王制所載宣叔之言春秋所書卿大
夫之次徒以國之強弱班焉未必皆古制也惟魯大

夫出會則雖公侯亦在其下此與魯君先諸侯同義
若外大夫與國君相當則或上或下各因所書之實
以示義而其班則亦不可得而考也

盟
諸侯 盟會見會門

隱元年三月公及邾儀父盟於蔑

二年八月庚辰公及戎盟於唐

十月紀子帛莒子盟於密帛

二年冬十二月齊侯鄭伯盟於石門

六年夏五月辛酉公會齊侯盟於艾

八年秋七月庚午宋公齊侯衛侯盟於瓦屋

桓元年夏四月丁未公及鄭伯盟於越

二年公及戎盟於唐

十二年夏六月壬寅公會杞侯莒子盟於曲池

秋七月丁亥公會宋公燕人盟於穀邱

冬十一月丙戌公會鄭伯盟於武父

十七年春正月丙辰公會齊侯紀侯盟於黃

二月丙午公及邾儀父盟於趯

莊十三年冬會齊侯盟於柯

十六年冬十有二月會齊侯宋公陳侯衛侯鄭

伯許男滑伯滕子同盟於幽

二十三年十有二月甲寅公會齊侯盟於扈

二十七年夏六月公會齊侯宋公陳侯鄭伯同盟於幽

閔元年秋八月公及齊侯盟於落姑

僖二年秋九月齊侯宋公江人黃人盟於貫

五年夏公及齊侯宋公陳侯衛侯鄭伯許男曹伯會王世

子於首止秋八月諸侯盟於首止鄭伯逃歸不盟

七年秋七月公會齊侯宋公陳世子款鄭世子華盟於甯母

八年春王正月公會王人齊侯宋公衛侯許男曹伯陳

世子款盟於洮鄭伯乞盟

九年夏公會宰周公齊侯宋子衛侯鄭伯許男曹伯於

葵邱九月戊辰諸侯盟於葵邱

十五年三月公會齊侯宋公陳侯衛侯鄭伯許

男曹伯盟於莊邱遂次於匡公孫教帥師及諸侯之大夫救徐

十九年夏六月宋公曹人邾人盟於曹南鄆子會盟於邾己酉邾人執鄆子用之

二十一年秋宋公楚子陳侯蔡侯鄭伯許男曹伯會於孟執宋公以伐宋十二月癸丑公會諸侯盟於薄釋宋公

二十五年十二月癸亥公會衛子莒慶盟於洮二十六年正月己未公會莒子衛甯速盟於向

二十七年冬楚人陳侯蔡侯鄭伯許男圍宋十二月甲戌公會諸侯盟於宋

二十八年五月癸丑公會晉侯齊侯宋公蔡侯

鄭伯衛子莒子盟於踐土陳侯如會

文三年冬公如晉十二月己巳公及晉侯盟

十三年冬公如晉十有二月己丑公及晉侯盟

十四年六月公會宋公陳侯衛侯鄭伯許男穀梁云許伯

曹伯晉趙盾癸酉同盟於新城

十五年冬十有一月諸侯盟於扈

十七年四月齊侯伐我西鄙六月癸未公及齊侯盟於穀

宣十一年夏楚子陳侯鄭伯盟於辰陵

十七年六月己未公會晉侯衛侯曹伯邾子同盟於斷道

成五年十二月己丑公會晉侯齊侯宋公衛侯鄭

伯曹伯邾子杞伯同盟於盂

七年秋公會晉侯齊侯宋公衛侯曹伯邾子莒子杞伯救鄭八月戊辰同盟於馬陵

九年正月公會晉侯齊侯宋公衛侯鄭伯曹伯莒子杞伯同盟於蒲

十五年三月癸丑公會晉侯衛侯鄭伯曹伯宋世子成濟國佐邾人同盟於戚

十七年夏公會尹子單子晉侯齊侯宋公衛侯曹伯邾人伐鄭六月乙酉同盟於柯陵

襄三年春公如晉夏四月壬戌公及晉侯盟於長樗六月公會單子晉侯宋公衛侯鄭伯莒子邾子齊世子光己未同盟於雞澤陳侯使袁僑如

會戊寅叔孫豹及諸侯之大夫及陳袁僑盟

九年冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭十二月己亥同盟於戲

十一年夏四月公會晉侯宋公衛侯曹伯齊世子光莒子邾子滕子薛伯杞伯小邾子伐鄭秋七月己未同盟於亳城北

十八年冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊十九年春王正月諸

侯盟於祝柯

二十年夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟於澶淵

二十五年五月公會晉侯宋公衛侯鄭伯曹伯莒子邾子

滕子薛伯杞伯小邾子於夷儀秋八月己巳諸侯同盟於重邱

昭十三年秋公會劉子晉侯齊侯宋公衛侯鄭伯

曾伯莒子邾子滕子薛伯杞伯小邾子於平

邱八月甲戌同盟於平邱公不與盟

二十六年秋公會齊侯莒子邾子杞伯盟於郟陵

定四年三月公會劉子晉侯宋公蔡侯衛侯陳子鄭伯

許男曾伯莒子邾子頓子胡子滕子薛伯杞伯小邾

子齊國夏於召陵侵楚五月公及諸侯盟於臯鼬

七年秋齊侯鄭伯盟於鹹齊侯衛侯盟於沙

八年冬衛侯鄭伯盟於曲濮

十二年冬十月癸亥公會齊侯盟於黃

大夫

隱元年九月及宋人盟於宿

八年九月辛卯公及莒人盟於浮來

桓十一年春正月齊人衛人鄭人盟於夷中

九月柔會宋公陳侯蔡叔盟於柝

莊九年春公及齊大夫盟於莒

十九年秋公子結滕陳人之婦於鄆遂及齊侯宋公盟

二十二年秋七月丙申及齊高侯盟於防

僖十九年冬會公羊有公序陳人蔡人楚人鄭人盟於夷

二十年秋齊人狄人盟於邢

二十一年春宋人齊人楚人盟於夷

滕子薛伯杞伯小邾子於夷儀秋八月己巳諸侯同盟於重邱

昭十三年秋公會劉子晉侯齊侯宋公衛侯鄭伯

曹伯莒子邾子滕子薛伯杞伯小邾子於平

邱八月甲戌同盟於平邱公不與盟

二十六年秋公會齊侯莒子邾子杞伯盟於郟陵

定四年三月公會劉子晉侯宋公蔡侯衛侯陳子鄭伯

許男曹伯莒子邾子胡子滕子薛伯杞伯小邾

子齊國夏於召陵侵楚五月公及諸侯盟於臯鼬

七年秋齊侯鄭伯盟於鹹齊侯衛侯盟於沙

八年冬衛侯鄭伯盟於曲濮

十二年冬十月癸亥公會齊侯盟於黃

大夫

隱元年九月及宋人盟於宿

八年九月辛卯公及莒人盟於浮來

桓十一年春正月齊人衛人鄭人盟於惡曹

九月柔會宋公陳侯蔡叔盟於析

莊九年春公及齊大夫盟於莒

十九年秋公子結滕陳人之婦於郵遂及齊侯宋公盟

二十二年秋七月丙申及齊高偃盟於防

僖十九年冬會公羊有公字陳人蔡人楚人鄭人盟於齊

二十年秋齊人狄人盟於邢

二十一年春宋人齊人楚人盟於鹿上

二十九年夏會

公使若者等之氏姓其高傳

任人晉人宋人齊人陳人蔡人秦人盟於夏

三十二年夏衛人侵狄秋衛人及狄盟

文二年三月乙巳及晉處父盟

夏六月公孫教會宋公陳侯鄭伯晉士穀盟於乘

七年秋八月公會諸侯晉大夫盟於扈

八年冬十月壬午公子遂會晉趙盾盟於衡雍

乙酉公子遂會雜戎盟於暴

十年及蕪子盟於女栗

十六年春季孫行父會齊侯於陽穀齊侯弟及盟

六月戊辰公孫遂及齊侯盟於郟邱

宣十二年晉人宋人衛人曹人同盟於清邱

成元年夏藏孫許及晉侯盟於赤棘

二年六月癸酉季孫行父藏孫許叔孫僑如公孫嬰齊帥師

會晉郤克衛孫良夫曹公子首及齊侯戰於鞌齊師敗績

秋七月齊侯使國佐如師己酉及國佐盟於袤婁

十一月公會楚公子嬰齊於蜀丙申公及楚人秦人宋人陳

人衛人鄭人齊人曹人邾人薛人鄆人盟於蜀

三年十一月晉侯使荀庚來聘衛侯使孫良夫來聘丙午

及荀庚盟丁未及孫良夫盟

十一年三月晉侯使郤欒來聘己丑及郤欒盟

十六年十二月己丑季孫行父及晉郤欒盟於

十六年十二月仲孫蔑會晉侯宋公衛侯於平丘
行同盟於虛打

襄三年六月戊寅叔孫豹及諸侯之大夫及陳東儀盟

七年春十月衛侯使孫林父來聘壬戌及孫林父盟

十五年春宋公使向戌來聘二月己亥戌向戌盟於剡

十六年三月公會晉侯宋公衛侯鄭伯曹伯莒子邾

子薛伯杞伯小邾子於濮梁戊寅大夫盟

二十年正月辛亥仲孫速會莒人盟於而

二十七年夏叔孫豹會晉趙武楚屈建蔡公孫

歸生衛石惡陳孔奐鄭良霄許人曹人於宋

秋七月辛巳豹及諸侯之大夫盟於宋

昭十一年五月仲孫纁會邾孟盟於祲祥

定三年冬仲孫何忌及邾子盟於據

哀二年春王二月季孫斯叔孫州仇仲孫何忌帥

師伐邾取漵東田及沂西田癸巳叔孫州仇

仲孫何忌及邾子盟於句繹

來盟 再盟見盟門

桓十四年春正月公會鄭伯於曹夏五月鄭伯

使其弟語來盟

閔二年冬齊高子來盟

僖四年正月公會齊侯宋公陳侯衛侯鄭伯許男曹伯使來

清遂侯蒞於陘夏楚屈完來盟於師盟於不

文十五年三月宋司馬華孫來盟
宣七年春衛侯使孫良夫來盟
襄二十九年五月杞子來盟

涖盟

僖三年秋齊侯宋公江人黃人會於陽穀冬公子

友如齊涖盟 穀傳季友

文七年冬徐伐莒公孫敖如莒涖盟

昭七年正月暨齊平三月叔孫婁如齊涖盟

定十一年冬及鄭平叔還如鄭涖盟

古者天子巡守諸侯入朝王皆為壇於國門之外如
方明焉天子祀之蓋以為盟尸也先王躬誠明之德

以臨下人孰不信而必有事乎齊盟者蓋在我者可
以質諸鬼神而不疑然後可以責人之信已且在我
可任而在人者不可保故也殺牲而飲其血以示信
二由裘珠槃玉敦以奉之以示意之精純載書以示
言之可復雖然不先以德則神弗聽而誠弗固凡春
秋之盟是也然以齊桓之德葵邱之會猶能使諸侯
束牲載書而不飲血則先王躬誠明以涖之可知矣
經有同盟者杜氏謂服異也有涖盟者穀梁謂外前
定之詞也有來盟者穀梁謂內前定之詞也

晉命

桓三年夏齊侯衛侯晉命於蒲

春秋五禮例宗卷第八

春秋五禮例宗卷第九

賓禮下

張氏

遇

內士遇見昏門

隱四年夏公及宋公過於清

八年春宋公衛侯過於垂

莊四年夏齊侯陳侯鄭伯過於垂

二十三年夏公及齊侯過於穀

三十年冬公及齊侯過於魯濟

三十二年夏宋公齊侯過於梁邱

公穀皆謂遇者不期而會也宗伯冬先曰過鄭氏亦

云欲若不期而至者國風野有蔓草男女思不期而

會之詩也曰邂逅相遇則遇為不期者夫故矣又曰

志相得也。處以無不同之可會。無不備之可。如至。

公
隱五年春公觀魚於棠

桓二年九月公及戎盟於唐 冬公至自唐

十六年四月公會宋公衛侯陳侯蔡侯伐鄭

秋七月公至自伐鄭

十八年春王正月公會齊侯於濼公與夫人姜氏遂如齊

莊五年冬公會齊人宋人陳人蔡人伐衛

六年秋公至自伐衛

二十二年冬公如齊納幣

二十三年春公至自齊

二十三年夏公如齊觀社 公至自齊

二十六年春公伐戎 夏公至自伐戎

僖四年春王正月公會齊侯宋公陳侯衛侯鄭伯

許男曹伯侵蔡蔡潰遂伐楚於陘盟於召陵

秋及江人黃人伐陳 八月公至自伐楚

六年夏公會齊侯宋公陳侯衛侯曹伯伐鄭秋

楚人圍許諸侯遂救許 冬公至自伐鄭

十年春王正月公如齊

十五年春王正月公如齊三月公會齊侯宋公

陳侯衛侯鄭伯許男曹伯盟於杜郵遂次於

匡公孫叔帥師及諸侯之大夫救於

十六年冬十二月公會齊侯宋公陳侯衛侯鄭

伯許男邢侯曹伯於淮

十七年九月公至自會

二十六年冬公以楚師伐楚取穀 公至自伐齊

二十八年冬公會晉侯齊侯宋公蔡侯鄭伯陳

子莒子邾子秦人於温諸侯遂圍許

二十九年春公至自圍許

三十三年冬十月公如齊 十有二月公至自齊

文三年冬公如晉十二月公及晉侯盟

四年春公至自晉

十三年冬公如晉十有二月己丑公及晉侯盟

公還自晉鄭伯會公於棐

十四年春王正月公至自晉

十四年六月公會宋公陳侯衛侯鄭伯許男曹

伯晉趙盾癸酉同盟於新城

秋七月公至自會

十七年六月癸未公及齊侯盟於穀諸侯會於危

秋公至自穀

宣四年秋公如齊 公至自齊

五年春公如齊 夏公至自齊

七年夏公會齊侯伐萊 秋公至自伐萊

冬公會晉侯衛侯鄭伯曹伯於黑壤

八年春公至自會

九年春王正月公如齊 公至自齊

十年春公如齊 公至自齊

十七年六月己未公會晉侯衛侯曹伯邾子同

盟於澒道

秋公至自會

成三年春王正月公會晉侯宋公衛侯曹伯邾子

二月公至自伐鄭 夏公如晉

公至自晉

四年四月公如晉 秋公至自晉

五年十二月己丑公會晉侯齊侯宋公衛侯

伯曹伯邾子杞伯同盟於蟲牢

六年春王正月公至自會

七年秋公會晉侯齊侯宋公衛侯曹伯邾子

子杞伯救鄭八月戊辰同盟於馬陵

公至自會

九年春王正月公會晉侯齊侯宋公衛侯鄭伯

曹伯莒子杞伯同盟於蒲

公至自會

十年秋七月公如晉

十一年春王三月公至自晉

十三年三月公如京師五月公自京師還

侯齊侯宋公衛侯鄭伯曹伯邾人滕人伐齊

秋七月公至自伐秦

十五年三月癸丑公會晉侯衛侯鄭伯曹伯宋

世子成齊國佐邾人同盟於戚

公至自會

十六年秋公會晉侯齊侯衛侯宋華元邾人於

沙隨不見公公至自會

公會尹子晉侯齊國佐邾人伐鄭

十七年夏公會尹子單子晉侯齊侯宋公衛侯曹

邾人伐鄭六月乙酉同盟於柯陵

秋公至自會

冬公會單子晉侯宋公衛侯曹伯齊人邾人伐鄭

十有一月公至自伐鄭

十八年春王正月公如晉 夏公至自晉

襄三年春公如晉 四月公至自晉

六月公會單子晉侯宋公衛侯鄭伯莒子邾子

齊世子光已未同盟於雞澤

秋公至自會

四年冬公如晉

五年春公至自晉

五年秋公會晉侯宋公陳侯衛侯鄭伯曹伯

子邾子滕子薛伯齊世子光吳人

公至自會

冬公會晉侯宋公衛侯鄭伯曹伯齊世子光

十二月公至自穀陳

八年春王正月公如晉夏季孫宿會晉侯鄭伯

齊人宋人衛人邾人於邢邱

公至自晉

十年春公會晉侯宋公衛侯曹伯莒子邾子滕子薛伯

齊世子光會吳於柤五月甲午遂滅偃陽公至自會

秋公會晉侯宋公衛侯曹伯莒子邾子齊世子光滕子

伯小邾子伐鄭 冬公至自伐鄭

十一年夏公會晉侯宋公衛侯曹伯齊世子光

莒子邾子滕子薛伯杞伯小邾子伐鄭秋七

月同盟於亳城北

公至自伐鄭

公會晉侯宋公衛侯曹伯齊世子光莒子邾子

滕子薛伯杞伯小邾子伐鄭會於蕭魚

公至自會

十二年冬公如晉

十三年春公至自晉

十六年三月公會晉侯宋公衛侯鄭伯曹伯

齊世子薛伯杞伯小邾子於濮梁戊寅大夫

夏公至自會

十七年冬十月公會晉侯宋公衛侯鄭伯曹伯莒子滕子薛伯杞伯小邾子同圍齊十九年春王正月諸侯盟於乾野

公至自伐齊

二十年夏六月庚申公會晉侯齊侯宋公衛侯鄭伯曹伯

伯莒子邾子滕子薛伯杞伯小邾子盟於澶淵

秋公至自會

二十一年春王正月公如晉夏公至自晉

冬十月公會晉侯齊侯宋公衛侯鄭伯曹伯莒子邾子於商任

子邾子於商任

二十二年春王正月公至自會

二十二年冬公會晉侯齊侯宋公衛侯鄭伯曹伯

伯莒子邾子薛伯杞伯小邾子於沙隨

公至自會

二十四年八月公會晉侯宋公衛侯鄭伯曹伯

莒子邾子滕子薛伯杞伯小邾子於夷儀

冬公至自會

二十五年五月公會晉侯宋公衛侯鄭伯曹伯

莒子邾子滕子薛伯杞伯小邾子於夷儀秋

八月己巳諸侯同盟於重邱

公至自會

二十八年十一月公如楚

二十九年春王正月公如楚

夏五月公至

昭二年冬公如晉至河乃復

五年春王正月公如晉 秋七月公至自晉

七年三月公如楚 九月公至自楚

十二年夏公如晉至河乃復

十三年秋公會劉子晉侯齊侯宋公衛侯鄭伯曹伯莒子邾子

子薛伯杞伯小邾子於平邱八月甲戌同盟平邱公不與盟

公至自會

冬十月公如晉至河乃復

十五年冬公如晉

十六年夏公至自晉

二十一年冬公如晉至河乃復

二十三年公如晉至河有疾乃復

二十五年九月公孫於齊次於陽州十二月齊侯取郟

二十六年三月公至自齊居於郟

秋公會齊侯莒子邾子杞伯盟於郟陵

公至自會居於郟

二十七年春公如齊 公至自齊居於郟

冬十月公如齊 公至自齊居於郟

二十八年三月公如晉次於乾侯

二十九年春公至自乾侯居於郟

二十九年春公如晉次於乾侯冬十月

三十年春王正月公在乾侯

三十一年春王正月公在乾侯

三十二年春王正月公在乾侯

定三年春王正月公如晉至河乃復

四年三月公會劉子晉侯宋公蔡侯衛侯陳子鄭伯許男

伯莒子邾子頓子胡子滕子薛伯杞伯小邾子齊國夏於呂

陵侵楚五月公及諸侯盟於皋鼈

秋七月公至自會

六年二月公侵鄭 公至自侵鄭

八年春王正月公侵齊 公至自侵齊

二月公侵齊 三月公至自侵齊

夏公會晉侯於危 公至自危

十年夏公會齊侯於夾谷 公至自夾谷

十二年冬十月癸亥公會齊侯盟於黃 十一月公至自會

十二月公圍成 公至自圍

十四年五月公會齊侯衛侯於牽

哀十年二月公會吳伐齊 五月公至自伐齊

十三年夏公會晉侯及吳子於黃池

秋公至自會

夫人 及如見公門 聘至三見昏門

莊五年夏夫人姜氏如齊師

十五年夏夫人姜氏如齊

十九年秋夫人姜氏如齊

二十年春王二月夫人姜氏如莒

又九年春夫人姜氏如齊 三月夫人姜氏如齊

內大夫 如莒十三 如齊五 如京師 如齊

莊二十五年冬公子友如陳

三十二年冬十月公子慶父如齊

僖五年夏公孫茲如年

七年秋公子友如齊

十三年冬公子友如齊

二十八年秋公子遂如齊

三十年冬公子遂如京師 遂如齊

三十一年春公子遂如晉

文元年夏叔孫得臣如京師

冬公孫敖如齊

五年夏公孫敖如晉

六年夏季孫行父如陳

秋季孫行父如晉

十一年秋公子遂如宋

十五年春季孫行父如晉

秋季孫行父如晉

十七年冬公子遂如齊

十八年秋公子遂叔孫得臣如齊

十月季孫行父如齊

宣元年夏季孫行父如齊

公子遂如齊

八年夏六月公子遂如齊至黃乃復辛巳卒于燕

九年夏仲孫蔑如京師

十年秋季孫行父如齊

冬公孫歸父如齊

十八年七月公孫歸父如晉

冬十月公薨歸父還自晉至笙遂奔齊

成五年正月仲孫蔑如宋

六年六月公孫嬰齊如晉

冬季孫行父如晉

八年春公孫嬰齊如莒

十一年夏季孫行父如晉

秋叔孫僑如如晉

襄二年七月叔孫豹如宋

四年夏叔孫豹如晉

五年夏叔孫豹郕世子巫如晉

六年冬叔孫豹如邾季孫宿如晉

七年秋季孫宿如衛

九年夏季孫宿如晉

十六年冬叔孫豹如晉

十九年春季孫宿如晉

二十年秋叔老如齊

冬十月季孫宿如宋

二十四年春叔孫豹如晉

冬叔孫豹如京師

二十八年八月仲孫羯如晉

二十九年冬仲孫羯如晉

昭二年夏叔弓如晉

冬季孫宿如晉

六年夏季孫宿如晉

冬叔弓如楚

八年夏四月叔弓如晉

九年秋仲孫纘如齊

十三年晉人執季孫意如以歸

十四年春意如至自晉

二十三年叔孫婁如晉晉人執我行人叔孫婁

二十四年春婁至自晉

二十五年春叔孫婁如宋

定六年夏季孫斯仲孫何忌如晉

十年冬叔孫州仇如齊

外如會如師見會盟三門與兩大夫如見上

桓五年夏齊侯鄭伯如紀

冬州公如曹

六年正月寔來

文十四年冬單伯如齊齊人執單伯

十五年六月單伯至自齊

左氏曰凡公行告於廟反行飲至舍爵策勳焉禮也公行之禮雖不槩見然卿大夫受命以出則釋幣於禴比其反也釋奠於禴席於阼階與其室老及從行者獻酬而出上介亦如之以使介之出如此則公行告廟飲至之禮宜亦當然其或自外来者雖非出而亦以其至告廟且飲其從至者故亦書至焉如夫人至之類穀梁謂致君者殆其往而喜其反此主自内出者言之可也其或以前事至或以後事至或以地至則告

有異同事有大小各因其寔以示義耳其曰惡事不致會夷狄不致離會不致桓會不致於經無所見之然公居於外而亦書如至者以君出載主而行覲禮謂侯氏禘冕釋幣於禴是也内大夫出而不書至惟執則至焉盖君遣使於外則亦告其事於廟已事而反則無所用告若為外所執則宗廟與有辱焉其反也告之所以安祖考也凡魯公出朝卿出聘皆曰如自我往者書其始則以未成事言之其朝於王所則曰朝自外告者書其終則以既成事言之若其以成事行則又但正名其事而已矣

春秋五禮例宗卷第九

昏

嘉禮

張氏

王娶

桓八年十月祭公來遂逆王后於紀

九年春紀季姜歸於京師

襄十五年二月劉夏逆王后於齊

娶王女

莊元年夏單伯送王姬 送公較作逆

秋築王姬之館於外

冬王姬歸於齊 二年平

十一年冬王姬歸於齊

內娶

桓三年七月公子翬如齊逆女

九月齊侯送姜氏於謹公會齊侯於謹

夫人姜氏至自齊

莊二十二年冬公如齊納幣

二十四年公如齊逆女 秋公至自齊

八月丁丑夫人姜氏入

戊寅大夫宗婦親用幣

文二年冬公子遂如齊納幣

四年夏逆婦姜於齊

十八年冬十月夫人姜氏歸於齊

宣元年正月公子遂如齊逆女

二月遂以夫人婦姜至自齊

成十四年秋叔孫僂如如齊逆女

九月僂如以夫人婦姜氏至自齊

娶內女

隱二年九月紀裂繻來逆女 冬十月伯姬歸於紀

莊十二年紀叔姬歸於鄫 三年鄭入齊 四年紀侯去其國

莊十九年公子結媵陳人之婦於鄆

二十五年夏伯姬歸於杞

二十七年冬杞伯姬來

僖二十八年秋杞伯姬來

二十七年晉慶來逆叔姬

僖十四年夏季姬與鄆子遇於防鄆子來朝

十五年季姬歸於鄆

二十五年宋蕩伯姬來逆婦

三十一年杞伯姬來求婦

文十四年齊人執子叔姬

十五年齊人來歸子叔姬

宣五年九月齊高固來逆叔姬

冬齊高固及子叔姬來

十六年鄭伯姬來歸

成五年杞叔姬來歸

八年夏宋公使公孫壽來納幣

十月衛人來媵

九年二月伯姬歸於宋

十年五月齊人來媵

夏季孫行父如宋致女晉人來媵

內女來朝

僖五年春杞伯姬來朝其子

傳曰女子許嫁笄而字禮之稱字則字尊於稱女也
公女許嫁則視公子嫁於諸侯則視諸侯諸侯來逆
則曰女而不稱字者未敢以其尊當君也既至其國
則夫人矣夫人來歸則稱字而不曰夫人者父母之
國詞也天子之后則命之斯成其尊矣不成其尊不

足以匹至尊也諸侯之娶於諸侯敵也敵則嫌於相
當天子之娶於諸侯降也降則嫌於非匹故天子之
逆則稱后諸侯之逆則稱女若乃大夫自逆於公則
女稱字焉以其下嫁故得申其尊也昏禮有五而獨
書納幣者舉其重者也蓋禮於納采曰有惠於問各
曰有命於納吉曰有貺於問期曰有賜而於納徵獨
曰重禮則五禮之中此為重故也穀梁曰納幣使大
夫正也逆女親者也考於禮凡使者歸必反命曰既
得將事則納幣當使人孔子曰冕而親迎則逆女當
親之然天子諸侯有邦國之事或不得親則使卿為
正士昏禮曰若不親迎則婦入三月而婿見於主人

然則士有故且或不親而况人君乎詩刺不親迎言
其常也經書卿逆言其故也婦人謂嫁曰歸女以男
為家者也魯夫人歸寧曰如某出曰歸於某魯女歸
寧曰來出曰來歸魯夫人之出與魯女之嫁者同辭
皆自內往而被為主之稱也魯女之出與外之以物
至者同辭皆自外來而我為主之稱也其曰如某則
與公如同義
生

桓六年九月丁邠子同生

歸脤

定十四年天王使石尚來歸脤

享 四年六月王與公高平叔

莊四年春王二月夫人姜氏享齊侯於祝

肆附

莊二十二年春王正月肆大胄

道光戊子孟秋錄畢者香



春秋五禮例宗卷第十

